

靖安縣志卷之十

人物志上

豫章自漢迄唐凡歷千餘年人才之見於史策者代不  
 過數人至宋而名儒碩輔彪炳東南乃始洩彭蠡匡廬  
 之靈秀是何生才之難也夫全才罕覲法上得中善善  
 從長觀物宜恕有如臧孫氏之所論三不朽者尚矣即  
 僅一節有可風亦已廉頑而立懦官無論大小立忠者  
 貴人無論窮達砥行者傳降及巾幗之貞媛凡以輔翊  
 夫聲教靖雖小邑亦人才考鏡之資也

名臣

靖安縣志

卷之十

人物

宋

范瑄字次房紹聖進士大觀中獻時政利害八事合南漳上  
 言監司州縣掎克誅求徽宗覽章示執政曰范瑄小臣忠  
 於報國非瑄朕不聞此言且令名瑄察其才欲待以不次  
 執政不可遂自乞知鬱州復奏嶺南漕臣徐惕偽作御筆  
 處分收買珍禽異獸犀玉珠貝瑇瑁翠羽孔雀玩好詭異  
 等物以萬數騷動兩路民不聊生封章再上乃罷惕前後  
 奏事剴切深中時弊官終左朝散大夫

通志

案范次房邑之熊仙都官莊人建有專祠舊志傳末載

明知縣張伯祥祭文今改入藝文志



呂延年字商老風骨秀整卓犖不羈政和進士紹興間調知  
南安縣時李綱爲安撫大使力薦於朝轉江西宣諭司議  
事攝瑞州招捕盜賊旬月盡平以功歸同列會宣撫某以  
劾罷上章乞與同坐朝論辯之改南安倅有治聲後知蘄  
春縣浩然勇退取東坡詩語以有山名其閣新興令陳寅  
爲之賦曰壯而仕能行其學老而歸能全其節知止易退  
之風化于當時而表於後世祀鄉賢

林志祀鄉賢

胡敦實字觀光紹興進士簽漢陽幕職辰倅何兌以獻言獲  
罪時秦檜方興羅織獄當路承之以自媒敦實被命力辭

靖安縣志

卷之十

人物

二

不受劾褫一級盧溪王庭珪慰之曰緣此受責其芬多矣  
後知臨賀軍事奏減上供之半請憲司損折苗之直以寬  
民力利及兩路又知全州敦實學問精粹深於左氏班史  
詩文皆簡古有玉澗集敷文魯豈誌其墓稱爲學者儀型  
之風化於當時而表於後世祀鄉賢

舊志

簡世傑字伯俊自進賢徙居靖安隆興進士初任靖江府司  
理參軍外邑以盜上府凡六七人世傑推詳非是後果獲  
眞盜時參政范成大爲帥將劾令而賞之世傑力辭且謂  
令誤非有他成大益賢之暨鎮蜀辟入幕府汲引蜀士皆  
一時翹傑改知蒲圻縣政本豈弟行之以信不設科條民

不忍犯知賀州嶺外官自鬻鹽人以爲病遂一切罷之卒  
楊萬里銘其墓謂世傑學問通古今議論守大體所居不

赫赫所去民見思

豫章書通志

祀鄉賢

幸元龍慶元進士初尉京邑居官慷慨有風節時万俟卨之  
孫與岳飛家爭田歲久不能決理宗御批金牌勅賜諸侯  
斂帛蠶旗袞龍筆架玳瑁硯特命元龍裁斷案積如山元  
龍並不閱視卽判以大義云靖康之變臣子所不忍言東  
南全半壁之天者岳武穆之功也中原絕可圖之望者万  
俟卨之罪也武穆乃一代効忠名將秦檜實萬世賣國賊  
臣凡檜所以殺忠臣懷逆謀者皆卨助成其惡雖籍其家

# 靖安縣志

## 卷之十

人物

三

不足以謝天下尙敢與岳氏爭田乎可謂不揣其本矣田  
歸於岳舉火悉焚其案上得奏大喜復賜緋魚袋一象笏  
一玉帶一金帛白端梅花金臺箋一副以旌之蓋異數也

累擢鄂州判卒謚清節

舊志

塗幼黯字少安嘉熙進士天性孝友博學多才智任吉州通  
判潔已愛民政平訟簡盜賊屏跡會旱荒捐俸賑饑民得  
延殘喘及解組歸日以經訓課子弟置義田以給族之貧  
者祀鄉賢

舊志

劉起龍字應祥始祖鎬徽人任江西刺史遂家靖安淳祐壬  
子登狀元第授翰林院編修寶祐六年陞學士轉湖廣左

參政在任六載決獄詳明民無冤抑舊志祀鄉賢

元

舒嗣隆邦佐六代孫性英邁器量過人初以東廣帥闖掾從帥萬奴征獠將至帥使嗣隆先導有數百人俯伏道左曰吾輩良民爲獠所掠聞大軍至願奔歸嗣隆曰弗恐旣而帥至命悉斬之嗣隆正色言曰殺良不仁殺降不勇旨令收捕違旨縱殺不忠帥不得已許之旬日攻獠不下帥怒嗣隆格命欲以失機罪坐嗣隆嗣隆曰請寬數日當自下遂單車至獠獠見嗣隆來焚香羅拜大書恩官帥府舒外郎壽星願編入戶歸奏績擢吉安路治中祀鄉賢舊志

### 靖安縣志

卷之十

人物

四

案舒嗣隆曾爲建昌路經歷吳文正集有建昌路廟學記多歸美嗣隆通志誤以爲宋人

明

李叔正字克正初名宗頤年十二能詩長益淹博時江西有十才子叔正其一也以薦授國子學正洪武初告歸未幾復以薦爲學正遷渭南丞同州蒲城人爭地界累年不決行省以委叔正單騎至剖數語立決渭南歲輸糧三萬豪右與猾吏爲奸田無定額叔正履畝丈量立法精密諸弊盡剔遷興化知縣尋召爲禮部員外郎以年老乞歸不許改國子助教於是叔正三至太學矣帝方銳意文治於國

學人材尤加意然諸生多貴胃不率教叔正嚴立規條旦  
夕端坐督課無倦色朝論賢之擢監察御史奉命巡嶺表  
瓊州府吏訐其守踞公座簽表文叔正鞠之守得白抵吏  
罪太祖嘉之曰人言老御史懦乃明斷如是耶累官禮部  
侍郎十四年進尚書卒於官叔正妻夏氏陳友諒陷南昌  
時投井死叔正感其義終身不復娶

明史祀鄉賢

案舊志本傳俱采蘇伯衡墓誌茲已補墓誌於藝文故  
卽用明史列傳詳畧互見以省繁複

况鍾字伯律初以吏事尚書呂震竒其才薦授儀制司主事  
遷郎中宣德五年帝以郡守多不稱職會蘇州等九府缺

## 靖安縣志

### 卷之十

人物

五

守皆雄劇地命部院臣舉其屬之廉能者補之鍾用尚書  
蹇義胡濙等薦擢知蘇州賜敕以遣之蘇州賦役繁重豪  
猾舞文爲奸利最號難治鍾乘傳至初視事羣吏環立請  
判牒鍾佯不省左右顧問惟吏所欲行止吏大喜謂太守  
闇易欺越三日召詰之曰前某事宜行若止我某事宜止  
若強我行若輩舞文入罪當死立捶殺數人盡斥屬僚之  
貪虐庸懦者一府大震皆奉法鍾乃蠲煩苛立條教事不  
便民者立上書言之清軍御史李立勾軍暴同知張徽承  
風指動以酷刑抑配平人鍾疏免百六十人役止終本身  
者千二百四十人屬縣逋賦四年凡七百六十餘萬石鍾

請量折以鈔爲部議所格然自是頗蠲減又言近奉詔募人佃官民荒田官田準民田起科無人種者除賦額崑山諸縣民以死徙從軍除籍者凡三萬三千四百餘戶所遺官田二千九百八十餘頃應減稅十四萬九千餘石其他官田沒海者賦額猶存宜皆如詔書從事臣所領七縣秋糧二百七十七萬九千石有奇其中民糧止十五萬三千餘石而官糧乃至二百六十二萬五千餘石有畝徵至二石者輕重不均如此洪永間令出馬役於北方諸驛前後四百餘匹期三歲遣還今已三十餘歲矣馬死則補未有休時工部征三梭濶布八百匹浙江十一府止百匹而蘇

# 靖安縣志

## 卷之十

人物

六

州乃至七百乞救所司處置帝悉報許當是時屢詔減蘇松重賦鍾與巡撫周忱悉心計畫奏免七十餘萬石凡忱所行善政鍾皆協力成之所積濟農倉粟歲數十萬石賑荒之外以代民間雜辦及逋租其爲政纖悉周密嘗置二簿識民善惡以行勸懲又置通關勘合簿防出納奸僞置綱運簿防運夫侵盜置館夫簿防非理需求興利除害不遺餘力鋤豪強植良善民奉之若神先是中使織造採辦及購花木禽鳥者踵至郡佐以下動遭笞縛而衛所將卒凌虐小民鍾在斂跡不敢肆雖上官及他省吏過其地者咸心憚之鍾雖起刀筆然重學校禮文儒單門寒士多見

振贍有鄒亮者獻詩於鍾鍾欲薦之或爲匿名書毀亮鍾曰是欲我速成亮名耳立奏之朝名授吏刑二部司務遷御史初鍾爲吏時吳江平思忠亦以吏起家爲吏部司務遇鍾有恩至是鍾數延見執禮甚恭且令二子給侍曰非無僕隸欲藉是報公耳思忠家素貧未嘗緣故誼有所干人兩賢之鍾嘗丁母憂卹民詣闕乞留詔起復正統六年秩滿當遷部民二萬餘人走訴巡按御史張文昌乞再任詔進正三品俸仍視府事明年十二月卒於官吏民聚哭爲立祠鍾剛正廉潔孜孜愛民前後守蘇者莫能及鍾之後李從智朱勝相繼知蘓州咸奉敕從事然敕書委寄不

# 靖安縣志

## 卷之十

人物

七

如鍾矣明史祀鄉賢

案舊志亦采史傳中間有增入茲專用原文有未詳者見藝文張洪所作生傳中

舒文昱字有常博通經典尤邃於詩治家甚肅平生無戲言  
洪武初以稅家子發跡待用於兵部松江鄧主文滋爲民  
害捕輒遁逃大司馬茹瑋薦文昱可用上諭遣之果獲上  
喜甚賜白金命吏部記姓名將大用之未幾文昱乞歸養  
永樂初下詔求賢儒臣張緝熙以文昱薦授丹徒令歷任  
永春休甯丁內艱服闋復知四川富順縣興學校勸農桑  
除弊興利百廢具舉後以子敬貴贈承德郎兵部主事吏

部尚書王直銘其墓富順祀名宦本邑祀鄉賢舊志

舒敬字守中別號益齋文昱子永樂間由進士授刑部浙江

司主事鞠獄明允有能聲宣德九年從尚書魏源勦吉安

叛民夏九旭嚴雅等奏功勅賜白金改兵部車駕司屢承

旨閱宣府邊防區處甚當正統丁卯用大學士陳循薦知

嘉興府周悉吏民情偽發摘無遺尤加意教化繕修郡縣

學釐正樂器課諸生以道義時與肄習四禮一時文物稱

極盛焉會處州盜葉宗劉倡亂同尚書石璞平之捷聞賜

衣一襲景泰二年入覲賜勅命尋坐忤鎮守太監免歸祀

鄉賢增訂舊志

# 靖安縣志

## 卷之十

人物

八

案舊志魏源誤作魏元照明史更正

塗淮字達夫號實齋天順進士授工部主事管理遵化鐵課

賞罰明信人樂趨事成化癸巳出知順慶府邱瓊山作詩

以送之時民苦水患奏請築隄捍水以奠其居興利除弊

弭盜安民閱七載家給人足郡稱大治致仕絕口不談勢

利恭遜待人未嘗以貧富異視僉以長者多之祀鄉賢舊志

志

舒忠字克誠號恕齋由貢生中應天鄉試任肇慶府推官讞

獄明允宏治己酉猺獞構亂流毒郡民忠統丁壯縛賊首

黃亞聰等四十餘名以獻巡撫嘉其績入奏擢京畿道御



史赴京卒於道部民哀感絡繹奔弔江西巡按李循義忠昔所拔士爲忠立造士坊祀鄉賢訂舊志

趙文同字晴溪熊仙人嘉靖進士初授上杭令舊例日供文綺罷之邑大饑捐俸購粟以賑擢南京兵部車駕司郎中革除陋規江右糧艘過秣陵停泊無定所風濤爲患文同鑿套以棲之王侍郎靳給軍需衆軍鼓噪單騎爲之解圍出守武昌豪民爭田輒互相鬪殺因亟正其疆界爭端遂息時奉新靖安人有流寓湖廣者與其土人訟魚課文同接理判決初無徇庇人服其公陞貴州兵備道苗酋內訌設方畧禽之止殲其魁苗民感服肖像以祀之陞河南按

# 靖安縣志

## 卷之十

人物

九

察司未數月而卒祀鄉賢訂舊志

陳以誠字繡谷益田人天啟進士授工部虞衡司主事進郎中出守湖州築東西圩以興水利建吳興書院以課士參著尙書葦簽太湖姦民揭竿欲爲亂以誠密捕其渠魁餘置不問士民感之建生祠以祀擢嘉湖道調海南兵備道兼瓊州學政洊陞福建參議振文飭武皆有聲稱治湖有清政紀畧祀鄉賢增訂舊志

吳廷光字維賢號澄源隆慶恩貢授鄖縣知縣歲洊饑捐俸賑濟修建陂堰會疫作捐資瘞埋五百餘口改補南直定遠縣建臨淮水次倉歲省民脚米三千餘石修學宮貧儒

不能婚者助其完配教民置水車灌田三千餘頃民呼爲  
吳公車兩邑俱立祠祀之行取擢大理寺評事以平獄得  
情轉本寺寺副卒於官祀鄉賢舊志  
宦業

宋

舒椅字奇之邦佐曾孫淳祐進士文行高卓官連州錄事參  
軍振興學校勸課農桑政修事舉民蒙其澤子燾任瑞昌  
令亦多善政世濟其美人以爲貽謀有自云舊志

明

塗斗鎮原名衡以字行由諸生薦舉永樂三年任常州府經

### 靖安縣志

#### 卷之十

人物

十

歷廉勤有爲克贊郡理擢工部營繕司主事呂梁洪河決  
勅委溶治斗鎮食息不遲秋毫弗擾不踰歲而告成沿河  
數百萬生靈安堵如故感其德建祠以祀增訂舊志

案常州府志名宦塗斗鎮有傳舊志誤作斗眞

塗鏜字虛華爲御史風力矯健時崇文門屢築屢圯朝議湖  
廣麻陽洞軍構築有方歷遣御史檄取不赴罷免尋勅鏜  
授兵部職便宜行事至則敷宣德意洞軍感格率衆三千  
人詣京營建工成擢工部侍郎入朝特賜細樂導至承天  
門已而衛妃學謀敗露旨下洗戮各宮諸臺省謝去者不  
下十餘人鏜以身任之其執法敢言獲寵優異如此舊志

鄧本政性耿介不事詭隨學裕而謙綽有古人風永樂辛卯  
領鄉薦授會稽訓導以善誘人爲當路推重陞灌陽教諭  
兗州府教授游其門者後多爲良臣

朱永字叔文素行敦孝友由貢生領應天府鄉薦授刑部主  
事尋改禮部累陞刑部侍郎正統間出任山東左參轉山  
西右轄奉公守法潔已愛民人多誦之

余泰字安重號兩交東江人積學勤苦工舉子業宣德乙卯  
領鄉薦正旦先得夢兆人傳爲佳話任南雄府學訓導陞  
浦江縣教諭所至士風丕變爲人局度端凝言動有則樂  
道人善不矜己長猶有先輩風範

### 靖安縣志

#### 卷之十

人物

十一

汪璋字伯琪號止庵由貢生授雲南府推官涖政仁明民以  
不寃秩滿陞辰州府通判職董倉儲大旱儲無所出請蠲  
免得允百姓戴之乞休歸絕跡城市弟瑤瓊貧窘分產予  
之鄉黨服其行誼一日沐浴具服端坐正寢集長幼於前  
曰吾逝矣時年八十餘

舒琥字良玉由郡庠入監授海甯縣丞以廉能稱人惜其位  
不滿德民誦之曰撫民一似教兒孩理訟渾如照鏡臺留  
任青天作民主丹書忽到海甯來吏部尚書東魯鄒幹贈  
以詩

漆本珍字元伍棠棣人宣德間從征交趾有功授遼東指揮

使

余敦善字天民號覺軒東江人成化歲貢授岑溪知縣縣猶  
獐雜處賦役繁重敦善親與民計量籌度未期年而輸將  
恐後又教之搏節愛養民藉以饒

府志

甘雨字時霖號靜軒東江人由歲貢中應天鄉試授慈谿知  
縣忠恕廉潔士民交稱未一年致政歸耆老葉棐等攀轅  
懇留有从旱逢甘雨白日觀青天之謠家居訓飭子弟必  
以孝弟廉恥爲先御史顧英銘其墓

舒嘉字至善坊都人宏治歲貢任北京儀勇衛經歷居官勤  
慎訓練有方委催運糧船不鞭撲軍弁而運不滯以勞瘁

### 靖安縣志

#### 卷之十

人物

十二

卒於官人皆惜之

熊偉字駿功以萬全右衛籍中宏治十四年北直隸鄉試登  
宏治壬戌年康海榜進士初授山西路安府推官歷任通  
政司至湖廣都察院副都御史正德九年奉旨建都憲坊  
於本縣西門一百步事詳前誌

劉子武字能臣追里人成化壬戌貢生赴禮部試受知於邱  
瓊山尚書稱其經術湛深才可致用授茶陵州州判佐郡  
有聲以老乞休歸當道惜之

項璧字文光號草湖經歷鏐之子事繼母以孝聞充選貢授  
常德府推官遇歲饑捐俸賑濟全活甚衆陞岳州運糧通

判治獄無冤催科不擾軍民警服視篆武陵桃源華容沅州募兵平江收稅武昌皆著廉幹聲院司下檄獎之卒於官

趙炳字文奎號實齋熊仙人事親孝內外無間言鄉鄰貧不舉火者賙以粟不能葬者資以槨由貢生授貴州前衛經歷時麻陽寇發黔楚會師合勦檄炳經理糧餉轉運輜重未嘗匱乏兩省都御史俱嘉獎之尋致仕歸里恬退不履

公門

應銳字汝恆別字純吾廂都人嘉靖選貢與知縣趙公輔纂修邑乘司鐸桐城邵貧士贊儀清操自矢轉陽春州學正

## 靖安縣志

卷之十

人物

十三

卓薦擢河源知縣催科不擾爲民興利一時以廉吏稱之  
宦績詳河源縣志

漆時霖字伯若號暘吾萬歷拔貢任泗州同知潔已愛民刑清政簡一時口碑載道者年解組州民攀轅留者相屬於道歸田後德望愈粹與賓筵九次爲士大夫觀法

舒本立字道生號廬畔坊都人萬歷舉人任紹興通判職兼水利鹽法區畫皆當上官重其才再督漕運六攝大邑所至作興士類來宗道余斯行等皆其所賞拔轉雲南維摩州知州著有友鶴軒詩文集董其昌爲立傳來宗道銘其墓碣

陳應慶字西餘文之第三子少與吉水李忠肅邦華同視席者十餘年稱石交由胄監選授丹陽丞攝縣事吏不爲奸羣盜屏跡修兩關橋梁興三鄉水利立義塚卹狴犴除妖民降佛之惑靖倭寇伏竄之虞邑人咸尸祝焉尋擢四川龍安府經歷以老乞歸鄉居多義舉士夫莫不高之卒年

八十三

涂鼎爵字君定別字和元天啟選貢授浙江泰和令催科不擾泰民德之擢嚴州司馬以母憂去職復同知址直永平府時烽煙告警鼎彙詰兵給餉精敏有爲督運漕糧一清夙弊攝府篆二年吏畏民懷督撫交章保薦優旨獎勵賜

靖安縣志 卷之十

人物

十四

金花緹緞晉秩知府以老致政歸

趙敷政字建中熊仙人由選貢任雲南亦佐縣知縣首倡建學宮置義田以養士邑有巨盜久爲逋逃敷以計禽之民感爲立生祠陞陝西延安府同知

舒維忠字克臣石馬人入遼東籍崇禎十二年從總兵左良玉擊降河南賊劉國能於許州以功賜武舉

國朝

熊良字遂子一字白常號鼓眉追里人順治舉人授信豐教諭轉吉安府教授時當戎馬甫定之後學宮多就頽毀良所至俱倡先繕葺嚴立條規以興文教一時聲望卓然陞

錢塘知縣尋卒

舒調良字雲章號曲庵坊都人博學強記涉筆成文邑令高克藩重其才延修縣志以明經任樂安司訓課士力振浮靡門下掇科甚眾李中丞考試學博擢優等將登薦剡調良不樂仕進遂乞歸樂安人士爲立千古芳型額於講堂以志去思生平渾穆若無能遇事有胆識慷慨好義猶見先民之風

舒斯辛字庚仲號靜庵石馬人爲諸生卽通習經世務司鐸建昌務培養士氣先是邑令以才情揮霍自喜遇諸生每盛氣凌之辛至不干以私稍枉辱庠士必面折不阿令憚

## 靖安縣志

### 卷之十

人物

十五

焉由是待士有優禮於其去也相與作詩歌咏之

舒先行字元起富仁人康熙選貢初授彭澤廣文設立科條首端士品並正文風士皆爭自濯磨丁內艱服闋補南豐教諭課士一如在彭澤時及年老致仕兩邑諸生宗仰猶昔

涂玠字雲石號鏡軒忠夏人康熙舉人授林縣知縣下車值歲旱饑民聚衆剽掠玠縛其首戎置於法諸脅從悉置不問發粟賑濟民得安堵邑有刃人之母而誣其子者執以來一弱童子耳玠偵知訴者袖有殷紅色嚴訊之得實立爲昭雪時大吏以嚴峻泣下僚屬皆惴惴懼不免顧待玠

獨厚亦玠之誠樸有以感之也雍正甲辰分校河南鄉闈所取皆知名致政歸築縣西隄岸費錢數百緡捐修黃石橋費金五百家居十二年稀至城市日與族黨交歡人奉爲典型

舒濂字淑周號慙子康熙舉人性豪爽每下筆數千言不竭兄弟互相師友以讀書談文爲樂司鐸上饒時學宮傾圮與邑令倡捐修葺創建文昌閣邁中丞廉其賢會饒有冤獄密檄訪查立爲申雪全活者九人紳士感其德爲立去思碑弟洛亦明經才思豪邁名與之埒有龍岡集

涂基字鞏垣號柏莊忠夏人少孤力學中康熙辛卯舉人初

## 靖安縣志

### 卷之十

人物

十六

任南康教諭旋調弋陽學以儒術兼治才卓異保題引見奉

特旨授廣東南海知縣首邑不由簡調蓋異數也基治事明敏五官並用遇疑難獄辭洞若觀火凡省局發審鉅案皆取決焉粵東饒於財賦風俗豪華沿海復多盜基到縣嚴保甲謹關防條議民間吉凶諸禮不得逾制各澳漁船編號朝出晚歸無令停泊海外海壩肅清每歲冬春交設粥廠賑窮民生全者以數千計邑田廬當低窪受水患處爲之築隄捍衛旁鑿支流洩其怒民賴以安至今稱曰涂公隄任滿當陞以憂歸服闋補直隸龍門令亦多惠政年老



致仕家居當事馮渠聘主修縣志雖未觀成而卒初稟賴其搜輯之力爲多

衛亮衮字龍章號補亭與兄亮裘一乳生同中雍正癸卯舉人亮衮才學優異至性過人痛兄早逝無志與計偕保撫兄子成立凡族黨義舉皆力行之乙卯聘分校廣東秋闈得士知名乾隆乙丑挑發四川補永川知縣初蒞任驗一縊死屍刑作報畢將斂衮細察生氣未絕急救之得不死被告亦全永川素稱好訟衮務以德化有弟兄爭產者前任不能決衮復訊爲引說古義動以至情因自傷兄歿不覺哭失聲堂下觀者亦泣兩造感悔嗚咽求息謂吾儕小

# 靖安縣志

卷之十

人物

十七

人不敢復履君子之庭矣遂爲兄弟如初川省游匪號囂嚙子暮夜伺劫恆傷人東捕則西竄流入永境滋患衮設法密偵以在出其不意獲渠魁置之法民害以除大吏廉其治行調威遠縣視事後一日履勘入山宿古寺夢與兄聯句云已無蹤跡在人間夢裏翻然化鶴還華表月明歸路冷終南猶記舊游山覺而記之自知詩識旋以辦水災積瘁卒于官喪還兩邑之民哭送塞道衮行已泣官咸歸實踐士林月旦俱以爲無愧鄉先生云所著有補亭語錄詩文集藏於家

涂坤字至元號順齋忠夏人由監生遵例授沙縣丞尋以才

能調鳳山撫綏有法海防肅清大計卓異歷署長泰平和  
二邑令潔已愛民振興學校長泰有雙圳陂者宋時邑人  
陳耆所築資灌溉農田萬餘頃年代久遠姦民私懇爲田  
遇旱澇無所蓄洩累任莫能清理坤至悉心履勘修復如  
舊撫軍晉陵潘公爲之記里民祠祀之上官稱坤才長治  
劇實爲傑出之員請補順昌令順素稱難治坤嘗攝其篆  
措理裕如民方幸其重蒞已而入都引

見病作卒於途順昌人聞之越境護喪哀思不置仕閩十有  
一載始終一節有古循吏風

涂尙忠字敬忠號恕齋忠夏人少讀書明大義兼習韜畧以

### 靖安縣志

#### 卷之十

人物

十八

武起家膺乾隆辛酉鄉舉壬戌聯捷成進士選授直隸蔚  
州營守備蔚故燕京北鄙邊防尤重忠訓練士卒有方紀  
律嚴肅以故三韓獨石間無桴鼓之警暇日雅歌投壺有  
古儒將風度在任六載爲閩帥所倚重構疾告歸年五十  
四卒於家

涂堦字如仲號三峯弱冠補弟子員旋食餼文章行誼爲邑  
宰馮渠所敬禮幾於言子之於澹臺氏也乾隆己巳由歲  
貢選授德安訓導在學修廢起墜不遺餘力教人以身示  
範諄諄以子衿城闕爲戒一時士類胥宗仰焉

舒亮友字季嘉號益齋石馬人遂之子也幼失恃事繼母尤

篤於孝備嘗辛苦敬終不渝及長博學工古文詞乾隆甲子歲貢己巳邑令馮渠聘纂縣志舊志修於康熙間採訪未廣而體例亦多未協亮友悉心考核刪繁補闕志法大備邑人士彬彬然知文物之盛矣嗣選授崇義學訓導在任十三載訓士有方生徒搆訟據理判其是非毅然不少假貧民有歿而無棺者或求之卽捐俸以助其天性樂善然也年八旬致仕歸鄉人儀其德舉爲鄉飲大賓嘗自言生平無寸長日夜所爲幸無不可對人言耳著有益齋文集

涂光範字禹疇號楷亭基之三子由貢生援例授河南滎陽

靖安縣志

卷之十

人物

十九

丞有才識歷署繁劇十餘縣救荒多善政聽訟立爲剖決獄無停滯他邑之不能決者上官悉委之陞蘭陽合蘭邑隄工夙稱險劇泄是者皆竭蹶不能辦光範裹糧親歷簡稽勤惰與工作欵曲如家人隄成堅固民尸祝焉調鹿邑循聲益著因告養歸起假復補福建浦城浦俗最悍生子者戚友饋鐵鑄刀長則資以禦暴光範嚴禁之教以禮讓悍風頓息會水災籌賜濟法上官絡繹於道供應繁苛光範曰當此哀鴻待哺時尚安能計及供張耶一切薄應之其不媚上官以賂民諸類是光範少卽倜儻不羣最爲奉新甘莊恪汝來所契以女妻之吏治多取法焉後致仕歸

督課子弟盛科名遇歲荒嘗出穀以賑鄉里多陰德云  
舒閱字能先號簡亭廂都人以歲貢授九江府學司訓閱爲  
學主敬深衣道貌跬步必肅生平一介不妄取亦復存心  
濟物教諸生循循莫不有規矩時奉新宋進士五仁主正  
齋德化陳方伯奉茲猶未通籍館於宋三人者昕夕過從  
雅以道義文章相慕悅比之德星聚焉閱乞休歸陳贈詩  
云望見衣冠道念生也知風雅有深情他年老健能來訪  
我在廬山家處耕方伯以詩雄海內其爲敬服可想閱家  
居孝友無間言有仲兄名開者由文庠中武乙科善鍾王  
書法行誼亦爲鄉評所許

靖安縣志

卷之十

人物

二十

舒振甲字鼎元號慕庭亮衮子早孤撫於繼母宋氏母賢子  
孝族黨交稱叔父哀憐愛尤厚教之學能世其家弱冠聲  
儁一黌循例授山東昌邑縣丞廉幹有爲時登萊觀察沈  
公廷芳稱知人振甲與濰縣令揚州鄭燮同見優器歷委  
辦災賑重務報放核實胥吏不敢冒尅爲奸災黎頌曰白  
馬使君來活我矣蓋以所嘗騎白衛識別之也在昌邑凡  
七載而賢勞於外者四年尋陞廣西來賓知縣邑苦瘠衝  
振甲不取民間一錢而事無弗舉始來人未知學童試至  
不能滿學額乃捐修書院延名師講課分別予以考費三  
年後遂有舉於鄉者乾隆辛巳柳州大水隨馮撫軍辦災

全活哀鴻無算卓異題陞左州牧丁內艱歸服闋復選廣西賓州有岑土司之子照來應州考厚餽獻振甲峻拒之不予前錄因語幕客曰是統袴子趾高氣揚後必敗踰年庚子秋果以科場舞弊伏法同官多服其先識上林一疑獄數檢不得傷大府專檄委檢謂此案非爾老吏不辦振甲於檢場覺數人面目可異鞠之則上林使來彌縫者也令當眾看檢傷現獄具而卒不自以為功其居官剛正存心忠厚類如此晚歲致仕歸居鄉恂恂教子孫以恭儉孝友科名盛事疊見年八十卒比之大邱遺範

訂米願字守中號保齋亮衮第五子性剛直樂義善承父志

# 靖安縣志

## 卷之十

人物

一一一

早歲事舉業知名援例授甘肅渠甯巡檢清苦奉公守禮不屈人以強項目之一武舉素橫鄉民被害訴於廳願遣役狙執以來大肆咆哮乃按法笞之自檢舉焉上官偉其能弗咎而飭武舉無狀甯夏郡守委解秋審犯赴省犯多車少步行者銀鐺躡仆願憐之令解諸刑具載放已輿而自下車徐步與衆囚共勞苦一日過六盤山天陰晝晦颶風大作眾囚迷竄失路若鳥獸散僕役惶恐疾呼願曰無憂囚將自至移時風定則散失各犯先後從山厓別徑來集矣旋以強幹聲調烏魯木齊呼圖壁巡司渠民送至關口哭別是時新疆屯糧例交文倉收放軍餉願謹筦出納

其積年應得儲羨盡以昇營員代補備徵調兵糧虧空都  
守以下咸拜德焉乾隆中西例准納粟實邊嗣奉行者失  
實致興大獄願在官日有索都統發監照百紙卑領備賑  
力稟繳謝後十年監糧冒賑之案發宦甘省者大半鮮獲  
全而願獨纖塵未染清操先識論者違之願歸田捐口分  
租百石爲世父立繼皆見義之大者以長子慶雲任浙江  
金衢道贈如其官二子夢蘭著述甚富負盛名於時人以  
爲清德之報

漆裕字昆垂號厚山棠棣人孝廉顯畧之幼子也生而穎異  
嗜學通經由恩貢授甘肅階州直隸州判值西藏用兵佐

### 靖安縣志

#### 卷之十

人物

二十二

州牧辦理差務閭閻無擾牧倚之如左右手時屬爲讞獄  
皆得其平大吏舉其廉幹方登薦牘裕以年老辭歸晚頗  
耽禪悅力行善事爲多服其化者比之王彥方云

舒時可字際昌號靖溪忠夏人狀貌魁偉胆識過人嘗從其  
從兄時義學談古今成敗事動中窺要兄竒其有將才勸  
令習武補武庠乾隆壬午舉於鄉丙戌成進士授藍翎侍

衛扈

上巡幸天津行圍木蘭數獲優賞特擢四川太平營都司會  
金川不靖從富督出征時可奮勇殺賊 奏換頂戴署本  
鎮中軍遊擊兼左營護理川圪鎮篆務嗣檄勦甘匪著有

軍功由保舉陞湖南撫標右營遊擊致仕歸林下優遊有輕裘緩帶之度焉

舒謙福字適我號蕙渠坊都人乾隆辛丑進士選授山東文登縣知縣邑近海土瘠民貧前令馭以煩苛邑滋不治謙福至催科不急市獄無擾民樂其清正慈祥稱曰佛爺不敢欺亦不忍欺也數年後農桑學校以次肇興忽以風濕致疾卒於官祀遺愛祠謙福平生爲人風度極佳喜怒不形於色見義事必力任其難於根本地尤加意焉比卒遺命捐祖支祠助祭費族人以其主祀祠中

舒慶雲字興虛號鬻亭采願長子生而骨相英偉少隨父宦

## 靖安縣志

### 卷之十

人物

二十三

邊塞佐理屯政勾稽精細猾胥不能欺父異其才謂可出爲世用由川運例報捐郡丞年二十七選授廣西慶遠府德勝鎮同知旋署永甯州牧大府方欲委任繁劇會丁父艱回籍服滿起復謁選浙江温州府同知帶領引見記名赴任在途已蒙

特旨簡授福州遺缺卽補衢州府知府乾隆甲辰

高宗純皇帝巡幸杭州慶雲承辦外 行宮差事

召見數次垂詢家世

溫諭知府亦方面大員勉爲好官

賜御製落葉詩石刻及文綺之頒真異數也衢州四達之衝

慶雲在任五載勵精率屬各日起時臺灣林逆爲亂軍需  
文報絡繹緣西安驛站有誤遞一件坐失察議處降調假  
還章江繼丁母憂庚戌釋服恭逢

純皇帝八旬萬壽赴部呈請與祝經壇復蒙

加恩降一等用仍發浙江抵省委總局審案有新案呼冤讐  
殺其父者訊其子膚懇而色不慘疑焉齋宿城隍廟敬著  
得師之坎現長子帥師弟子輿尸之兆乃分別細鞫屍子  
兄若弟俱吐實情一一如父象所指闔省稱神君其誠於  
聽訟類如此隨奉 奏補乍浦同知歷署嚴州台州紹興  
知府所到愛民得士如紹興胡公開益卽郡試案首胡於

# 靖安縣志

卷之十

人物

二十四

戊子典試江西過門猶執弟子禮焉台州會匪惑衆斂錢  
勢將生變慶雲甫抵郡廉得巨魁窟穴密會營邑兵壯黑  
夜直搗其巢縛賊數十均大懲搜取被脅花名簿無慮千  
百悉焚之故此案正犯無漏網良善悉免株連實威德並  
濟云撫軍吉正擬保題值方伯謝公啟昆蒞浙例以姻親  
迴避調福建南臺同知順解臺灣兵米是時海氛方熾慶  
雲毅然督糧艘犯險而進至温州大洋果見盜夥漁舟蜂  
集將近官船隨從多避匿顧獨肅衣冠高坐船頭神色不  
沮盜魁亦素攝聲名逡巡却顧不移時呼黨散去是役保  
無失事全賴靜鎮之力兩省大吏益嘉其膽勇足以幹事



也抵南臺未久委署延平府事繼視龍巖直隸州篆日結積贖州治肅清土產素心肅入

貢僅數十叢衙蠹比戶苛派爲利因限以定數有額外多取者重懲之去任之日闔境扳轅不舍亦如在浙治郡時嘉慶七年始由川楚例捐升道員部選浙江金衢嚴道引見

仁宗睿皇帝問曾守何郡敬以衢州對

上曰此爾舊治也益當善撫地方慶雲自念疊沐

兩朝厚恩末由報稱監司八載惟兢兢察吏撫民求無隕越一署鹽都轉二爲浙江鄉試提調官戊辰

### 靖安縣志

卷之十

人物

二十五

恩材揭曉後方奏謝接署臬司

恩命乃因署監臨有科場失檢事提調坐失察處分降二級調用前後兩任府道俱緣失察被議雖屬公罪亦數奇使然至是年已六十遂不復再出家本僑寓南昌日與同懷弟夢蘭歌詠太平間回故里招父老子弟置酒言歡親見嫡長相傳一堂五代躬沐

旌典七葉衍祥匾額諸子均出仕長孫恭裕登賢書年七十九無疾壽終遺命割膏腴出七十碩捐助宗祠生童考費其子春等謹承先志並得附傳

舒懋官字長德號莢房麟祥長子生而端重讀書穎悟過人

弱冠郡試冠軍入縣庠食餼肄業豫章書院負文名趙鹿泉學使取決科第一中乾隆壬子科舉人癸丑聯捷進士歸班候選知縣庚申部選廣東英德縣令英屬人粵衝要地濶民獷號難治懋官初履任指置裕如一似老於吏者上游咸器異之下車甫逾月連辦兩鉅案一石彭氏與姦犬賴世芳謀毒親夫石星茂初報貧苦自盡往驗形跡可疑隨帶彭氏及鄰族分別細訊三晝夜審得其夫常傭於外賴世芳往來姦宿石彭氏無米度歲欲泣欲死世芳謂爾死不如他死彭氏心動囑買砒裹入粉團乘夫除夕歸夜饑與食毒發腹痛死賴世芳知風逃匿越旬緝獲隔訊

# 靖安縣志

## 卷之十

人物

二十六

對供盡吐實復搜取所遺藥包并賣藥人日期確證定讞招解按辦初終實未嘗用刑求也一前縣失察李亞六鬪殺胞兄亞二一案事寢隔年外議洵洵懋官以案關服制失出非輕李亞六久颺毫無把握設法逼緝始獲西六上堂震驚面無人色研訊爭賣棗樹尋鬪順用田器五齒耙擊兄腦殞命屍棺掩埋田畔乃作訪聞辦理錄供通報省局提檢他處無傷惟腦頂五窟顯然較合五齒耙無差吳繡曇臬使稱此案犯供兇器確鑿不移又曲至前官處分爲難能云是年辛酉科鄉試調充同考官得士蕭斯等八人後成進士二人卽黃太史玉衡亦是科取中副車也英

邑距城十餘里名老地灣爲產石灰窑厥忽蜚語上聞聚  
匪滋事嚴飭文武會拏將興大獄懋官抗稟願以身家保  
其非辜拘解工作聽治道府會鞫卒無匪狀據實詳覆入  
憲意亦釋然其不肯生事邀功類如此奉檄護解軍餉二  
十萬赴川往返半年賦夔渝道中卽事六首指切蜀中時  
事沈鬱悲壯綽有杜音詩家選備采風差竣回任方欲與  
民休息次第興學倡建義倉會丁母憂解篆莅英五稔士  
民愛戴如父母扶櫬歸日沿路板車祭送有追至韶關者  
歸里宦囊如洗奉老父依然負米爲養修宗祠族譜一年  
自前明萬厯間未合者至是乃爲大成譜焉聘王婺源紫

靖安縣志

卷之十

人物

二十七

陽書院四闕寒暑葵固文物淵藪佳士信從類多通顯現  
任部郎俞君誦芬亦一高足也壬申起復再選廣東豐順  
縣豐於潮屬較淳而湯坑羅家約一鄉強梗難制地連揭  
陽浦揭賦累萬抗不繳解無賴子擄人勒贖幾斷行者懋  
官練壯勇親駐其地訪擒一二渠魁寘之峻法召年家子  
羅某令與眾鄉老約法比戶告誡限一月完糧送犯不則  
請兵擣巢無怨亦漸畏威懷德半載之內賦清案結復爲  
善鄉蔣礪堂制府巡潮稔其賢調署潮陽潮俗好械鬪自  
古已然韓昌黎所云喜則人而怒則獸往往覺起睚眦讐  
殺不已懋官謂此積錮已深專威罔濟卽以兵治亦恐玉

石俱焚因於下鄉催糧日作勸民土歌排村貼諭訪緝著名雕青重法懲創數月鬪案稀少李步丹虎而冠者奉制府密挈其家重墻複壁黨羽甚衆商諸腹友鄭縣丞爲離穴擒虎計一日步丹入城鄭偵知暗度消息出其不意卽刻率丁壯團入縣衙坐堂皇斥數積惡步丹抗辨立寘獄一面招告得數十狀皆被脅佔威逼有款迹可據次日會營解郡搶犯者半途懼散道府訊詳大憲照光棍擾害例配軍潮邑除一大害旋調新安復實調香山香山固大邑然較新安易治境屬山川平行田疇斥鹵桑果蒙密望之如畫圖人物斐然秀雅曾方伯望顏卽當日觀風首拔士

# 靖安縣志

## 卷之十

人物

二十八

方幸是邦樂土可以經術飾吏治時有澳門土匪李鳳廣搶劫夷船鴉片鬪傷夷酋雖犯賊全獲抵法憲意終恐不熟夷情仍改回新安先是僚友某在洋弋獲十人俱以海盜通報移縣勘訊則皆隣邑良民爲颶風所漂失者密查並有確據立予開釋某以是隱憾萋菲之言多暗爲所中傷而懋官夷然不以介意回任後治事一如其初趙遂樓方伯常於廣坐歎曰如舒若真喜怒不形者矣新安三面距海伶仃洋屬焉下鄉辦案駛帆於鯨波駭浪中危險莫測查踏內外洋界址海境了然於胸嗣修新安縣志攷訂繪圖較若列眉宮保阮芸臺先生親製序以嘉之莅新兩

載政成事舉復委攝佛岡廳篆亦上台繫維意顧自念筮  
仕粵東先後十有餘年游膺繁劇歷爲各大屏所知惟臣  
精已竭愧無以報知遇老父春秋高鄉思日切決求引退  
章再上而始得請遂初已賦從此無榮進之思矣歸田後  
日惟小園養親置酒廣招親舊重修雙溪縣志六十年文  
獻補輯足徵他如文峯塔縣城隍壩各工俱出資力勸舉  
處宗族鄉黨謙抑自下獎掖後進暇則課孫子詩書分甘  
爲樂從父天香居士夙稱二阮隔居省縣書筒往復不斷  
待兩弟如一人終其身未嘗析產甲申終父養力管窀窆  
克遂二親同穴之願長子恭行由拔貢分發四川知縣告

# 靖安縣志

## 卷之十

人物

二十九

假未赴次子恭受入翰林改外選浙江西安縣亦假歸侍  
養年屆七十卒綜計生平行謹出處大節無虧有道泉山  
房詩文遺稿待編次授梓

涂烜字賓田號企廬忠夏人少貧刻苦讀書弱冠補弟子員  
旋食餼家居授徒經其指授者多騰達去卽本邑鄭學博  
大琮亦早負笈門下也登丙午鄉薦屢上公車不第以大  
挑二等補安義廣文一時學校振興有桃李公門之目在  
任時見崇聖祠及兩廡頽圯卽捐俸修葺聞里中重修祖  
堂竭貲寄族衆勸舉亦見義之大者尋以年老引疾回里  
不與外事惟手一編酒一壺而已壽八十七無疾而終著

有企廬制藝

舒承烈字啟謨號省軒石馬人性孝友而邃於學弱歲冠軍  
補弟子員旋食餼中乾隆庚子舉人爲文出入經史百家  
不名一體與胞叔以健齊名比之竹林二阮嘉慶丁丑大  
挑授安義訓導時教諭涂烜亦靖人相與捐貲倡修學宮  
邑紳士咸重其義在任十三載清苦如貧士惟日與諸生  
相砥勵實心訓迪諄諄以宏獎人材爲務安義與靖密邇  
一葦可杭故里人士亦多問字生徒常滿年七十有九卒  
於任所餘俸薪概分潤於昆弟友愛雍睦終身無間言前  
生三子均成名不祿晚年舉子二長名芳今爲諸生有聲

靖安縣志

卷之十

人物

三十

人謂德報不爽云

趙邦元字松文號雪濤追里人少穎異弱冠應童試郡守賞  
其文拔冠一邑宗師亦亟賞之旋食餼益自勵壯歲登賢  
書公車數上薦而不售家居啟迪後輩造就爲多靖邑學  
宮日久將就頽圯邦元偕邑紳勸捐力董修葺事宮墻遂  
增巍煥并以餘力建祧祠俾祖靈有所妥侑嘉慶丁丑大  
挑補長甯訓導長邑僻邇閩粵文風未振邦元至講求文  
理增諸生季課以善誘作人四五年間士子舉業咸彬彬  
可觀年六十卒於任哲人之萎門下慟心喪焉迄今長邑  
人猶秉宗匠於勿衰

舒業順字叙三號豫堂克煦子秉性醇篤力學淹雅兩冠童  
試嘉慶庚申領鄉薦大挑補彭澤縣訓導前署泰和南康  
學訓每月必集諸生考課留餐訓誨講良知之學士多親  
敬之告養奉慈闈至九十六歲孺慕依依平生嚴正靜養  
觀書不矜世華遇義舉輒慷慨重輸賑糶壩岸等事樂勸  
厥成不居功也家學淵源能保世德

熊燧字騰千號蘅房新興人祖之子熊氏以耕讀起家世多  
長者行燧年十五失怙善承父志力學治生尤好勸義舉  
如重修縣學宮門修祖祠建高湖石橋皆與同祖兄文炳  
力任其費無少恡又嘗慨捐食穀賑鄉鄰之貧乏者一村

# 靖安縣志

## 卷之十

人物

三十一

皆賴之嘉慶癸酉登賢書道光乙未大挑一等以知縣分  
發廣西假還省墓檢先人遺篋中凡人所夙逋之項悉焚  
其券曰吾非欲以市名恐留此徒累子孫耳抵粵半載委  
署西隆州篆州界邊陲烟瘴之地距省二千餘里同寮多  
阻其行燧毅然獨往履任卽編查保甲向有花戶斂錢陋  
規不下數千緡居民苦之燧至力卻不受去之日扳轅者  
相望於道旋補思恩縣令前任以虧項被叅燧代彌補千  
金始保全其功名思恩本積疲之區尤人所難能也有武  
生某虎而冠者因爭產致死親弟弟之妻訴於官某以白  
金三百行賄燧廉得其實陽許納賂而高坐堂皇直數某

罪狀置於法乃以金與其弟之妻贍寡合邑稱爲神君會  
湖南掣獲教匪供稱在思邑結會傳徒株連二百餘人燧  
按各別訊皆係良民惑於求福之說遂力保其非辜僅將  
三首犯擬軍流上之大府卒如所讞民實陰受其福歷歲  
五稔課士勤政案無留牘廼以入鄉相驗積勞致疾遂卒  
於署幾不能備歛具後伊子艱辛扶櫬歸邑之紳耆子弟  
及婦女泣送出城至有哭失聲者燧居鄉日里有紛難事  
靡不力爲排解至今思之其家產因宦後中落亦想見廉  
吏清風

劉先煥字宗遠號劍光追里人品行端方形狀魁梧談文最

# 靖安縣志

## 卷之十

人物

三十二

喜清真年及壯卽領辛酉鄉薦五上公車不第至道光己  
亥年已七十矣奉文截取知縣自以年老呈請改教授職  
任信豐縣教諭課士有法頗洽士心著有劍光詩鈔行世  
但境遇坎坷詩多憂鬱牢愁之作令人不忍卒讀非詩能  
窮人殆所謂窮而後工也在任七年致仕歸年八十二卒  
舒化民字以德號自庵係南昌府靖安縣民籍生於乾隆四  
十七年壬寅七月十二日中嘉慶丁卯鄉試舉人丁丑會  
試後大挑一等以知縣用籤掣棲霞縣事歷署山東福山  
道光四年題補費縣知縣六年調長清縣知縣九年告病  
回籍旋丁父憂服闋十三年補原缺調歷城縣知縣保舉



卓異奏陞德州知州道光二十一年山東中丞明保入  
以德州知州治行爲第一奉特

旨補授江蘇蘇州府遺缺知府赴部引見  
召見三次俱稱

旨二十二年補授蘇州府知府二十五年兼署蘇松常鎮太  
督糧道運北上奉

旨簡放浙江糧道丁繼母憂二十八年服闋赴部奉

旨簡放浙江杭嘉湖海防兵備道二十九年兼署按察使事  
三十年兼署鹽運使事咸豐元年告病就養山左九年己  
未病卒時年七十八歲生平著述有寶研齋全集呂子節

# 靖安縣志

## 卷之十

人物

三十三

識厚德節錄已梓行世其未刻稿有左傳彙解八卷願體  
集節識二卷備忘錄節識二卷

舒恭受字再英號屋庵石馬都人少勤學有大志每以上述

祖德下安民生爲念嘉慶丙子舉於鄉庚辰成進士壬午

補應殿試欽點翰林院庶吉士癸未散館選浙江衢州府

西安縣任滿署嘉善縣調補鄞縣以功保陞石浦同知

賞戴花翎署甯波府知府並攝定海縣事兼辦糧臺隨營効

力督辦監造炮船事務終於浙

蕭鴻銓字汝鏞號曉帆夏陂人入縣庠科試俱第一道光甲

辰由舉人大挑一等以知縣用分發湖北己酉湖北水災

通城辦賑官紳不協幾激成變通城令密稟各憲請兵防衛時制軍程喬采中丞吳文鎔議遴一老成持重幹員前往辦理乃扎委鴻銓到通境知民氣囂然勢甚盛乃飾爲茶商入境查明起事原委謁令商辦一切親晤各紳面陳利害剴切往復不憚煩苦官紳遂和而民氣亦靖鴻銓遂發倉谷若干以救飢民發谷後始申報各憲不足責成紳董勸捐繼之民安堵如故事竣回省通民感之扳轅餞別者至崇陽境乃止是年鄉試鴻銓充同考官得士獨多權竹山篆竹山距省二千餘里山陬僻壤下車卽以興學校爲重舊有桂山書院主課者率虛應故事公捐廉加諸生

靖安縣志

卷之十

人物

三十四

膏餼每月課必監試與諸生講論如師教弟子口講指畫孜孜不倦造就爲多距城三十里有田家壩沿河種麥地洪水衝壞督同紳士斂費鳩工修築民至今享其利城傾圮勸捐修葺爲政寬猛相濟歷三年多善績厥後權鄖西鄖縣安陸三縣篆鄖安陸皆附府城事尤繁兼係衝要其在鄖縣時有重兵駐防其地鴻銓多方籌餉無絲毫入私且捐餉者悉爲請敘在安陸時軍事方興文報供給過境客兵絡繹不絕公調護過境無擾統帶舒都統面獎賢能其年有蝗爲災甫入安陸境督民驅逐不致敗禾稼歷任卸篆時民皆戀戀不能舍方伯於公座對衆言蕭某真爲

後以心勞力竭年亦漸衰因請病告假歸宦囊固蕭然也  
公慷慨好義舉性儉約行耿介其家居時嘗割產爲族之  
無後者立繼邑修學宮考棚城垣悉分董其事閱三載始  
終勤勞如一日工城議叙如例歸田後以詩書課子孫  
以善事勉鄉族布衣蔬食怡然自得年七十五卒

理學

宋

胡敦詩字可興敦實之弟紹興八年進士時年二十二先與  
海昏劉氏爲姻不數年劉頓貧旣登第劉請離昏敦詩指  
日爲誓廣帥陳橐過南昌欲妻以女敦詩力辭竟尋劉盟

靖安縣志

卷之十

人物

三十五

明年除廣州清遠簿橐雅敬之留幕中復舉裴寬劉甯事  
相激勉或謂之曰坡仙書劉庭式事引羊叔子爲證且云  
功名富貴人也子其是矣敦詩正色曰東坡書事特屬薄  
俗耳夫婦三綱之首吾儒安計富貴乎聞者益賢之官終

左朝散郎

林志

祀鄉賢

余紹祖字光裔紹興進士受知張南軒初授潭州觀察推官  
民盜海商旣獲而窮治不承紹祖募人於江淮間得舊舟  
示之盜遂駭服及知廬陵縣歲旱郡督課不少緩紹祖持  
告身付吏求去郡守改容謝之秩滿積俸二千緡折券弗  
取歸裝書數篋而已尋通判江陵府辟守巴東命下以疾

終邑人舒邦佐挽之曰東南官數任來往只單車祀鄉賢  
舒邦佐字輔國更字平叔少卽以文學知名聞張南軒倡道  
嘗從之遊舉淳熙八年進士爲浦圻主簿改善化長沙輸  
送苗米三十萬斛郡委邦佐領其事每歲輸納例有所餽  
邦佐舉而寄諸帑遷衡州司錄參軍茶陵民訴胥吏受賕  
逮鞠則曰嘗許而未與守倅將罪訴者邦佐言吏蠹易滋  
民寃難伸於是訴者得從寬減諸所平反多類是時朱子  
爲潭帥雅重邦佐亦尊事之啟問不絕皆粹然儒者  
之言會疾乞歸二女一孫皆刲股以進朱子偉其家孝行  
欲聞於朝予以祠祿邦佐辭朱子賢而從之家居建立義

靖安縣志

卷之十

人物

三十六

莊有德於鄉里嘉定中授通直郎卒文諸體皆長尤工駢  
儷爲周必大袁樞岳正諸人所推服著有雙峯猥藁九卷  
學士李大異銘其墓祀鄉賢

舒櫟字槐堂邦佐曾孫景定進士授襄陽府學教授經術素  
裕育才有方慕其德而從之遊者不遠千里以老乞歸足  
不履城市子弟循循守法度人謂立教有蘇湖之風居家  
有石室之範

明

舒柏字國用少有志聖賢之學師事王文成領正德丙午鄉  
薦授歙縣右訓導以四禮五倫爲教知府鄭玉命主管紫

陽書院訓六邑生條規約永以身率先所造門下士稱盛行取赴都陞梧州府同知主桔山書院都御史陶公謂柏抱溫故知新之學有成己成物之心復劄主嶺表書院兩廣人士多從之游從王文成平田州有贊畫功遷南京刑部員外以弟柝子炯俱選藩府儀賓例不當授京職改兩浙鹽運司運同尋知南甯府有亞學遺稿繫言等書祀鄉賢

案舒國用從王陽明學有答論敬畏書見陽明全集主紫陽書院訓廸有方見歙縣志

徐湧字朝宗號卓峯坊都人由貢生任山東齊東知縣清丈

# 靖安縣志

## 卷之十

人物

三十七

田畝爲百姓均糧人感其德著有理學止說政績條約

陳文字豫西盆田人以書經領嘉靖辛酉鄉薦初任黃梅教

諭奉檄校試豫闈所拔俱夙彥尋陞昌邑崇明知縣擢任

上元京邑所至以興學爲首務於黃梅建濯足亭於昌邑

建復初書院於崇明建尊經閣於上元建井亭庵以時集

諸士講明正學取大人不失赤子之心證王文成良知之

說當途俱以儒者目之旋乞養歸鄉民某誤罹罪官籍其

田百餘畝充公以值售於文文陰還之本主而不取償焉

子孫多登仕籍能世其家有政績紀畧同贈篇等集吉水

劉太史應秋銘其墓

文苑

唐

劉脊虛字全乙時吳競為洪州刺史方直少許可獨高其行  
 改所居之里為孝弟鄉以表異之開元中舉宏辭累官崇  
 文館校書郎與孟浩然王昌齡相友善評者目脊虛詩情  
 幽興遠思苦語奇可以傑立江表有集五卷行於世豫章書  
 按劉全乙又字挺卿曾為夏縣令故當時有劉夏縣之  
 稱舊志云初授左春坊司經局校書郎轉崇文館所著  
 名鶴鶴集其籍貫考辨別見選舉

明

靖安縣志

卷之十

人物

三十八

舒清字明潔號芸牕坊都人由歲貢授應山訓導陞四川富  
 順教諭造士有方人才蔚起告老歸田怡情山水二十餘  
 年應山兵部侍郎傅鳳翔給事謝廷采皆門下士時造廬  
 問訊卒後皆來會葬知其教澤人人深矣

舒文輝字充甫石馬人以諸生選充弋陽王府儀賓顧性耽  
 清尚淡然軒冕自築怡雲軒日讀書吟眺其中南昌舒曰  
 敬時號文章祭酒嘗以通族來遊靖安遇人不輕許可顧  
 獨數數稱文輝講學倡酬無虛日怡雲集多曰敬所評定  
 者

舒孟華字去華坊都人本立子承父家學記問淹博詩文並

茂七試鄉闈不遇崇禎初貢成均授青田丞孟華曰此固  
郁離子著作之地也郁離不高安丞乎日夕手一編伊唔  
不置丞專司鹽兼督糧鹽苦積盜糧苦蠹役暗加孟華設  
方畧捕獲渠魁且痛革猾胥之漁獵者士民手額以頌秩  
滿遷楚衛參軍卒青邑祀名宦所著有念梅館集二十四  
卷

舒春陽字管生孟華長子世以文學傳家春陽天姿超邁志  
行過人自少讀有用書崇禎末年土寇掠靖境春陽倡義  
募勇佐司李胡時亨勦平之鄉井獲安以軍功入貢未展  
其用乃隱居適志構石閣於繡谷峯之頂顏曰姿天聚古

### 靖安縣志

#### 卷之十

人物

三十九

今圖史吟眺其中自謂置身千仞下視塵事如糝糠也所  
交徐世溥萬時華宋之盛顏方平輩蓋一時名士爲詩文  
獨闢奧境不主故常尤善懷素草書斷縑尺幅人爭寶之  
著有平寇紀畧步雲閣詩集其弟春和舉乙科並有名於  
時詩亦清絕

陳舜全字于野號鏡山丹陽丞應慶仲子少負雋才有磊落  
不羈之概崇禎癸酉中副車己卯受知於提學侯峒曾贈  
以南州高士額庚辰奉部檄副榜準作貢生咨送成均肄  
業與奉新廖芳春等伏闕請試獻籌邊策灑灑千餘言朝  
議謂其揣摩情事悉中機宜將擢用之會聞鄉間寇亂念

父衰邁遊歸佐胡司李勦平土賊甲申以後遂高尚不復  
出楊機部廷麟劉司成同升招之皆不往惟日以皇極經  
世一書自怡而已著有明悅山房詩文集

舒一邃字初民富仁人明季諸生時舒春陽提倡風雅一邃  
偕其弟颺玉及陳于野何肇羲鄭延祖鄭小韓諸人從而  
和之邑中文藻特盛其詩風格獨超不僅爲流連光景語  
五言佳者直入盛唐之室遭世不諧賈志中逝徐巨源哭  
以三詩極沈痛身後訪其遺藁得茁園集一卷今已梓行  
猶子銑選貢生能傳其學

國朝

靖安縣志

卷之十

人物

四十

周二懋字又生順治初恩貢生負文名與臨川陳際泰艾南  
英友善能詩嘗有登姿天閣詩曰鳥隨清磬集石似老僧  
懋之句爲人傳誦刻有愚山詩鈔子甸方有文名爲名諸  
生孫京緒康熙舉人曾孫瑞歲貢生會昌訓導

府志

舒彥字俊升一字碧庵石馬人順治舉人記問淹博善率更  
書法邑中人士多宗法之著有石園文集月舫詩集兄弟  
共爨終其身有張陳之風子六斯佶遂別有傳三子庚亦  
擅文名著自怡草堂集六卷曾孫相繼登貢舉以文學世  
其家

熊明弼字石庵熊仙人順治舉人行誼端介善事繼母以孝



友爾庚戌計偕北行同舟談某病甚抵維揚衆恐稽試期皆委之去明弼獨留醫治尋愈仍偕馳入都試期不誤人服其高誼著有四書衷辨尙書正義孝經曉義尺天齋集舒其瑄字白子廂都人博學能文髫齡補弟子員旋中副車康熙戊午鄉試出闈後自決必售榜發果獲雋癸酉纂修縣志有三長之譽後選鄱陽教諭端士習造育人材一時蔚起數載乞休歸府志

漆顯畧字漢及號韻庵棠棣人康熙辛卯領鄉薦高等雍正已酉聘分校江南鄉試主試黎公亟稱之數上公車不第已需次選縣令堅臥不出以耕樂名其齋比之辛幼安觀

## 靖安縣志

### 卷之十

人物

四十一

稼軒焉所藏圖書頗富文瀾浩博著有耕樂齋集

舒斯佶字又閑號香崖彥次子讀書以勤苦勝人每手一編

通宵雜誦不徹嘗言爲學欲橫豎貫串須從悟入非困心

衡慮無由生悟皆自道其所得時縣尹毛鵬聘掌義塾課

士外交翰往來應時便了毛雅推服選授袁州府學司訓

不受諸生饋遺在袁三載致仕歸著有芸香集

舒遂字六成號陸舫彥幼子少孤事諸兄如父奉母極孝母紡績每執卷呶唔其旁母嘆曰爾父沒時曾語我以此子必繼吾志每憶此語不勝酸楚今爾能勤業吾可對先人於地下矣遂泣而識之益刻厲向學名貢成均性剛方人

有非義必面加譙讓故多以嚴見憚然獎誘後進又未嘗  
不和易近人也生平富才調晚於詩律益精嚴文亦臻醇  
粹境少作存者絕少著有陸舫集選授南康府學司訓尋  
以年老致仕

舒煒字彤若號吳峯廂都人少失怙能自力學年十三爲邑  
諸生試輒冠其曹伍鄉闈已得復失自處泰然益勵行業  
以明經授建昌縣學博課士有聲上官賢之命監鹿洞書  
院葺廊廡擴學舍風教一新歸田後修譜收族築書室北  
溪上杜門却掃不與外事當事每造廬而請鄉邦望重四  
舉賓筵

# 靖安縣志

## 卷之十

人物

四十二

舒亮表字松齡東軒其所居之號也與弟亮交孿生雍正癸  
卯同舉於鄉文章孝友稱豫章二舒焉表神骨清遠夙慧  
絕倫七歲走馬成詩輒驚其長老性喜靜每獨往雲壑最  
幽處流連忘返爲學宗周陸二子日手性理一編蕪蘭滿  
徑焚香宴坐友于倡酬之外從不問家人俗事體癯善病  
雖呻吟牀第無廢咏歌世傳其綠天紅雨灑輕烟之句又  
如夙世紫煙道者友半生明月夢中人皆夢中所得是不  
食人間煙火語也得年僅三十有八病革語其弟表曰吾  
豈甘以詩人沒耶吾之終以詩鳴命也亦可想見其志矣  
東軒詩集二卷多可傳者

涂甯先字致遠居近繡谷峯因以繡峯爲號光範長子少隨父任受學於仁和宋之范博通經史善詩古文詞時江右詩學方昌南昌楊屋南豐趙由儀鉛山蔣士鍾武甯汪軻有四家之目偕甯先結社齊名學使金公德瑛集一時知名士號爲十八子者甯先與焉選其詩入西江風雅爲文力追章羅犀銳無敵乾隆庚辰鄉試中式第三名癸未成進士選巢縣知縣甯先治譜家傳至是已三世爲郎官矣繼任政成事舉大吏交重其才調知桐城桐夙稱繁劇甯先至邑之世家巨族爭慶得賢尹民以大和連獲巨盜載小史小江山徐高等絕功委署滁州牧乙酉戊子庚寅三

靖安縣志

卷之十

人物

四十三

科豐司分校所取盡大江南北之秀後以不能脂肅取容乞休歸晉撫譚公尚忠聘王晉陽平定書院纂修平定州志西士經其造就者彬彬極一時之盛著有石門詩鈔艷雪堂制藝稿爲人春容大雅論者每以清才終風塵吏惜之同懷弟甯先乾隆舉人案先名諸生並能傳家學

熊春陽字仲和號石溪棠棣人少師事漆顯畧稱高足雍正甲辰中鄉舉清貧好學讀書桃源山中面壁二十年不入城市嘗袖書送客客別去春陽誤以去路爲歸路徐步微吟至沙港始返則已十餘里矣其書淫如此著有四書周易講義與同年友新建劉斯組談易契合組常來山中約

刻時文合稿並欲叙易義梓之及春陽下世組趨弔急索遺稿家人不知襲藏半已霉爛不可讀組嘆息而去新補涂鼎瑞字泗符熊仙人性嗜學不倦家居屢空晏如也郡邑負笈從遊者歲以數十計門下稱盛著有四書摘要書詩兩經集義

舒慕芬字蘭軒別字石門節婦廖雪松之子也經史皆母所口授與弟慕芳齊名爲郎中丞廷極所激賞由廩貢授南豐教諭雍正五年舉孝廉應詔擢江南奉賢令松江財賦之區慕芬至振興學校勸課農桑捐修塘汎清理鹽法皆有實政可紀黃唐堂之雋亦稱其爲政慎勤而慈惠廉

# 靖安縣志

## 卷之十

人物

四十四

而不苛非溢美也在任三載乞養歸母壽躋九十而終專建報本祠彙鐫所徵節孝詩人皆多其孝行著有秋興百韻治奉紀畧與弟合刻花萼文集二舒試草

熊銓字鼎石別字潔堂埴次子自童子時卽篤志向學每靜坐一室經月不出戶限一飯之頃亦置書案旁手搏飯而目注書家人或奪去之銓亦一笑而已雍正丙午以第二人魁壁經三上公車始登第聘入楚闈分校得士皆翹秀未及銓選而卒邑人士惜之爲文得力三蘇汪洋恣肆能自達其所見著有潔堂文稿駢拇枝詩集

陳涇字沂山益田人清介絕俗好學深思初治經於積仙洞

中茅屋一椽人罕有知之者及爲諸生則制藝已風行於世邑令黃天球見之謂能擷經史之膏腴而去其糟粕會先儒之語錄而獨發真詮此五家的派也雍正壬子舉於鄉乙卯聘充福建同考官再上春官不第乃里居授徒以造就人材爲樂百餘年來邑中談時藝者輒首屈一指著有四書語錄尚書詳節刪補方竹園制藝

趙籥南字伯高號西崑追里人趙爲邑名族籥南性磊落不羈爲文條理敷暢得春夏之氣爲多乾隆丁酉拔萃貢成均廷試報罷考取騰錄効力四庫館期滿敕用銓永豐學教諭丁艱復補興國學課士不空設科條但循循善誘

## 靖安縣志

### 卷之十

四十五

一如自訓其子弟與都人士訂文字交棊酒風流使人襟懷自遠

舒性字茗原坊都人鄉賢孟華之後也累世承家學一門羣從紹聞衣德性稱白眉焉博洽通雅嫻於詞賦由廩生充乾隆乙酉拔貢人皆以館閣期之及廷試報罷復數奇於秋賦遂杜門著書日以歌咏自娛其詩寄托高遠體格精嚴出入於韓杜山谷諸家抒寫懷抱有曩曩獨造處最爲前大令鄒朝陽所敬禮聘主雙溪書院造就後進極一時之盛年近七十始官弋陽廣文都人士載酒問音無虛日未幾老病歸里卒學者深以未竟所用悼惜之著有茗

原詩集數卷待梓行世

舒祖承字蘊章號靜麓忠夏人少讀書酷好南華文筆超超  
元箸奄有項宮詹勝境每一制藝出外間爭傳寫焉乾隆  
庚寅領鄉薦戊戌會試同號一江南老宿見其文色然驚  
卻謂今年榜首當讓子時典試于文襄敏中亦擊節歎賞  
已前列矣旋以策問中有違式語抑置不錄然撤棘後見  
人未嘗不道舒生也祖承坐是不得志竟抑鬱以終文多  
散失僅有存者

舒衷字煥宗號述齋坊都人性從兄弟少孤折節讀書不事  
生產爲文攻苦刻勵兩中副車聲稱藉甚乾隆甲辰赴金

靖安縣志

卷之十

人物

四十六

陵恭應 召試詩賦典雅時與諸名士訪古觴咏有旗亭  
畫壁之風嗣登丙午賢書大挑二等補清江廣文臨江本  
二劉故里聲名文物遺風未沫衷復振興儒雅多所陶成  
年七十引疾歸著有詩集若干卷

舒以健字體乾號醅甫石馬人少有至性傷其大母暨母氏  
兩世苦節與兄懋德刻苦撐持門戶讀書並有聲稱以健  
爲文尤負奇氣下筆千言立就邑名宿皆畏之中乾隆丁  
酉舉人大挑二等授建昌府學司訓初抵任見彝倫堂頽  
廢倡首修葺日與諸生講學其中成就人才甚衆整飭士  
風維持名教皆據理直行不避嫌怨有瀘溪新進生何之

魴被仇家誣控縣欲會詳以健力爭不可覆訊果誣生得白爲人剛直類如此

項杰字英起號育軒大梓人先世以儒素起家杰少能讀父書爲文才思發越累試優等乾隆丁酉舉於鄉以大挑選授撫州府學司訓丁艱服闋復署新城教諭江右撫建二郡名賢輩出土子多務實學杰爲教一本王曾經術而倡復五家法派故所至信從稱盛爲人和易醇謹終身無疾言遽色其弟鵬由拔貢舉孝廉文品雙清雅好吟咏惜未享大年今縷數舊家者猶稱二項云

舒夢蘭字香叔一字白香晚號天香居士采願第三子誕時

靖安縣志

卷之十

人物

四十七

母夢大士予蘭故名甫晬父挈之隨甘肅渠甯司巡檢任繼遷烏魯木齊呼圖壁夢蘭長於邊塞自幼有星心月口之思父母絕鍾愛之塞外罕師有北平名進士宋曜寰緣事謫口因請受業師見其英慧絕倫大器異之爲講貫經傳過日卽識大意課以文千言立就瀾翻花粲不主故常性嗜莊騷史記兼通內典旁及詩歌側艷諸體靡不工妙師語之曰子殆異才不可測也然他日成就亦非科名利祿所能縛子善行其志可耳年及冠隨父南歸命入監讀書應乾隆丁酉鄉試薦而未售己亥

恩科錢鐸石學士載典試江西閱首場夢蘭卷擊賞擬元以

磨勘策語微疵見擯甲辰赴南京

名試三江名士雲集盡得納交歸過秣陵驛舍秋風起作鐵  
馬辭樂府七解寄託遙深詩名日著時兄慶雲守三衢往  
署佐理西泠俊侶聞聲相思招集湖上探勝題襟一時佳  
話爭傳良緣終厄士女同聲嘆惜焉旣而奉母還南昌里  
居習靜執友過從則有鉛山三蔣東鄉二吳輩並時鉅公  
長德交相引重宏獎風雅所學益進自十年來二親見背  
無心再踏省闈媼友胡部郎克家惜其才未早達屢書招  
往就試京兆王子始一赴約抵都已後塲期徬寓京邸與  
故人晨夕論文未幾 怡賢親王聞其名以禮聘爲上客

靖安縣志

卷之十

人物

四十八

一見促膝世子霞軒主人引爲兄弟交繪槐陰清話圖主  
客忘形雖在王門倏然有塵外遠致另闢一小精舍俾之  
夏課亦冀其才爲世用也旋應北闈秋試首題周有八士  
文闈中加墨圈徧後搜二三塲不獲知以病未終試矣夢  
蘭自稔數奇回憶曩日宋師所言早具先識宋已賜環歸  
卒家在玉田乃躬往拜墓存卹其後求得遺稿以還時有  
願效將伯勸其納資爲卽者堅謝曰早欲言歸以王我繫  
維厚意難遽舍耳會世子得疾尋殂越歲 怡親王薨逝  
慟無以報至是決計歸來和陶詩終卷法梧門祭酒采入  
詩龕長洲王鐵夫芭孫見之稱賞謂世間無此作久矣不



獨詩境高遠其中杰然有識時之言澹然有天際真人之  
想識者憐之一夕買舟由潞河南下實庚申秋八月計客  
藩邸八載矣歲暮抵章門舊巢重掃三徑未荒戢影天香  
館時與子姪門人商量舊學證以新知其於性命淵旨窮  
究體用一源教人認公善爲仁孜孜不倦入其室者如坐  
溫風涼月中也荊州將軍

宗室雙峰公本 怡邸道義交壬戌春移節杭州特迂道  
過洪都招同赴浙凡牋奏事悉以任之相得益彰至秋雙  
峰公患瘧甚厲亟延蘇州名醫薛公望療治良藥罔效疾  
革執夢蘭手屬以後事蓋將軍尙無嗣息情更慘傷自照

靖安縣志

卷之十

人物

四十九

視醫藥至護理喪事累月鬚鬢爲白作挽歌十首誌哀昔  
韓昌黎未及四十年而哭北平王三世茲又過之矣自念  
平生知己凋謝過半入世之心益灰每歲裏糧游山曾任  
匡廬天池寺百日著游山日記十二卷過都昌訪世交黃  
氏有古南餘話五卷餘如湘舟漫錄駿鸞集婆船餘稿皆  
頻年西南游跡所紀多不勝書嗣是晚年好靜杜門卻掃  
然戶外車轍常滿欲逃名而名反盛時黎襄勤爲南昌縣  
每懸一榻待之當世賢士大夫爭以識面爲幸惲子居敬  
彭秋潭淑一雄於古文一以詩鳴均不輕許可獨來天香  
館輒相視而笑縱談日夕不休繼蓮龕方伯顏薇垣書舍

曰三壽作朋齋謂與天香居士暨豫章掌教董筱槎太史  
三人談詩處也方伯知其窮間有所饋卻之因貽書云吾  
亦謝仁祖粟何峻拒乃爾始笑受焉夢蘭家不中資而性  
好濟物故自三黨窮乏及昏喪不能舉者無不被其實惠  
至老自困日甚恆酣臥怡然而已年七十九卒子三其季  
盼慧而好學甫食餼天折士林惜之其門下高足南昌龔  
鉞作行狀宜黃大令楊振綱有祭文一首極真切上高李  
孝廉祖陶書行狀後論頗允當錄附傳後

李祖陶書行狀後曰白香先生一代才士亦一代逸人也  
能文章而不求科目負才畧而自甘退藏求之二者鄉前

# 靖安縣志

## 卷之十

人物

五十

輩靖節先生之流亞也然爲肥遯而不爲係遯爲通隱而  
不爲石隱醉醒皆宜身名俱泰則生逢

聖世其遭遇實爲過之故從容七十餘年而怡然渙然其心  
迹一無所累也予昔時讀其和陶詩卽深向往後館洪都  
邛其門而先生已病生後僅十餘年居距僅二百里竟不  
獲一覩其丰采接其言論深爲缺然今讀歐可學博所爲  
先生行狀皆足見其人之全神予雖未見其人亦可以無  
憾矣歷代史家例有文苑隱逸二傳然文苑易得隱逸難  
求明史隱逸傳序謂承平旣久士皆趨於科目隱逸幾無  
其人而以陳繼儒足之論者謂其人迹隱而心競實不足

稱若先生友王公如布素居都市如山林談賓悉賢豪學  
侶半科第與物無競與世無爭風流自足以照映一代後  
有修

國史而作隱逸傳知堯舜之代實有先生其人而不僅以  
文苑目之矣

舒廷錦字綱章號澹溪富仁人性溫而介自幼勵志潛修境  
雖處約布衣蔬食晏如也居近市城厭塵囂不妄交游終  
日下帷枕藉經史與弟姪輩講論爲學之要謂先賢教人  
看書當味義根不可使一字放過其用心精密類是經義  
涵天崇大家氣骨叅以時髦風流故自諸生享名試無不

# 靖安縣志

## 卷之十

人物

五十一

利中乾隆己亥副車丙午出場後自決必售揭曉日散步  
東門外果捷報至是科多佳文而切理饜心之作推廷錦  
爲名墨焉連上春官薦而未第里居專意啟迪後進凡以  
文就質者必細加批點各如其人之林地以爲陶鑄一時  
門下稱盛隣邑從善鄉余聘主講席英才樂育孝廉余君  
金奏從游日久師誼尤摯閒時饋問病中醫藥照視沒後  
猶爲服心喪焉惜寡嗣息以兄子爲後戊辰大挑二等選  
甯都州學正報至己先卒廷錦行芳遇蹇士林楷範猶存  
例得補傳

鄭大琮字次璧號黃圃新興都人其父聖玉鄉里稱長者家

不中賞篤志教子大琮賦質聰俊自少溺苦於學有橫經  
負耒之風嘉慶辛酉舉於鄉父猶及見丁丑大挑二等借  
補安仁縣儒學訓導初蒞任謁

大成殿見兩廡傾圯及龍門書院頭門欲卸亟捐俸並修整  
如舊復與邑紳謀舉賓興會俾多士踴躍觀光由是科名  
漸振安邑士瘠向義士習本醅大琮日與講明心性要旨  
論文尚華實相宣信從者衆邑候陳印山雅重其學行延  
纂縣志盡心校勘補闕訂訛卒成善本在任六年清勤自  
勵以疾卒於署闔邑感嘆喪歸日祭送者咸流涕焉子士  
榮爲諸生有名中歲歿孫雲錦現蜚聲庠序能世其家

# 靖安縣志

## 卷之十

人物

五十二

舒光璧字青川號翠屏時義孫家世清貧一經傳德至光璧  
六世矣少孤性穎異嗜學苦無力從師有姑表兄奉新進  
士徐慎齋先生招往讀書得其指授有成遂爲名諸生後  
慎齋先生之子曰德城孫曰盛持轉從光璧受業德城中  
鄉榜盛持捷春官並負才名兩家傳爲美談光璧館奉邑  
時居多如進士廖君爲庸孝廉甘君立暘甘君悅彭君懿  
中以及本邑舉人項守和舒恭裕拔貢生舒恭毅輩皆出  
其門一時桃李稱盛光璧天姿極高最善講解使人心開  
識明爲文根極理要出以英銳發越爲場屋利器家雖貧  
而無寒士態素豪於飲有孔北海之風中歲館穀稍裕絕

不爲生涯計與從兄從新營葬三世墳塚尤見義之大者  
中歲貢成均就職司訓年及望七卒至今奉靖人士猶道  
青乙先生流風未墜云

項守和字介夫別字芥舟大梓人少聰穎讀書過目不忘比  
長補諸生累試優等道光乙未登賢書庚子會試總裁穆  
鶴舫相國劇賞其文旋以詩句微疵報罷家居授徒不嚴  
立功課而循循誘誨多所陶成爲人和平樂易胸無城府  
與人晉接雖卑賤未嘗異視故所在賢不肖咸敬慕焉家  
不中貲而慷慨好施與凡邑中賑恤之舉及鄉族之貧乏  
無不黽勉周給以義倉捐輸董事議叙加六品銜年未五

靖安縣志

卷之十

人物

五十三

十而卒士林惜之

丁溪字立階號北濱象湖人球之孫性情剛正居常寡言笑  
種學精文詩書外無他嗜好視食四方啟迪嚴切士受陶  
成者極多至今聞其名入猶嘆課徒之不少寬焉王子子丁  
卯兩落副車就職教諭未及還而卒時年七十云

趙錫球字洪慶號醒園追里人沉靜簡默對客無多言惟談  
文則娓娓不竭少負文名與兄錫琪弟錫璠同以文雄視  
一時錫琪固神童以三案首而博一衿鄉前輩皆重之錫  
球與之頡頏聞其名者亦不敢藎立故當時有趙有三錫  
舒有三民之譽三民者亦舒氏之三昆仲也球屢戰屢屈

惜總不得售甲申科以歲貢終

項炳南字兼善號寅賓大梓人自幼失怙繼伯父爲嗣依叔璞堂竹軒二公奉之若父事繼母張氏本生母戴氏孝養並得歡心少性聰慧讀書過目能記誦比長補弟子員士林聲藉道光壬辰科登賢書屢赴南宮試未克展旌夙抱嘗慨勸其子弟曰士居鄉里既不獲登朝與黎民分憂戚而遇事之有益於人者即當竭分力以相圖邑中人素稔亦咸相信重以故邑中如興義倉考棚及賓興館修葺文廟編集縣志釐訂成帙凡諸善舉皆與邑紳士倡首捐貲無少推諉其族遇祖廟傾頽邀族人出費重新基址公立

# 靖安縣志

## 卷之十

人物

五十四

祭產以妥先靈平生好義大概類推時道光癸丑粵匪竄逼江城大憲檄飭各屬縣辦練勇團防公弗辭勞瘁數年任力任怨事悉申詳蒙 恩賜軍功六品銜復以軍功選用知縣以繼母年臻大耋不忍違侍同治辛酉賊據靖邑城公復聚集同志先遺錢數百緡資充民食散給徐帥勇壯夫與賊累戰數日殺賊數百賊卒無敢犯境七月鮑軍門由湖北進勦公驅練勇隨同克復縣城賊平公遂寄情物外口不言功家居素食野服逍遙淡如也而時時勤於論文講學子四長至愛已列諸生卒年六旬有八

舒夢蓮號少白忠二人幼聰穎比長博綜羣書融貫無遺試

輟剋軍餼於庠文名日噪尤長於吟咏著述頗富未強早  
世士林惜之新建吳中丞坤修爲刻其寄生草一冊以傳  
世亦足以見其一班矣

忠義

元

舒慶遠字伯原嗣龍子志趨高古不侶僣傭侍親至京師從  
吳草廬先生遊博通經典尤邃於易及歸應試語之曰儒  
者之學不止能決科爲利達計而近時學侶滔滔皆是子  
當戒之旋領鄉薦高等至正辛巳成進士授贛州學正調  
王濂溪書院未赴紅巾寇起攻靖安慶遠迎監縣潮海倡

靖安縣志

卷之十

人物

五十五

義拒敵繕兵儲糧召募勇敢爲固守計潮海敗死省府卽  
署慶遠攝縣自是每寇至輒偕鄉進士胡斗元塗淵勇士  
黃雲與戰却之寇忿甚合圍益急慶遠力匱被執中途脫  
歸以憂憤卒有據閱錄傳後詩皆杜音祀鄉賢

案通志跋云舒慶遠南昌死義傳失載安志始行補傳  
乃已酉府志又編入武功門似覺位置失宜安志亦遺  
從事吳草廬事

胡斗元字元浩至正十年領江西鄉薦第一署鰲溪書院山  
長賊至靖安掠斗元鄉里斗元以鄉兵擊敗之入縣治與  
潮海共圖戰守及潮海被執賊脅之使降斗元罵不屈乃

以土薶其腰不死又縛置暗室斗元仆牆以出逃入深山而死元史祀鄉賢

塗淵字漸亨一字文淵幼穎異博學強記多才畧至正鄉舉壬辰紅巾寇至與舒慶遠胡斗元倡義拒敵會寇大至合圍忿攻淵挺身冒鋒鏑出請救援逮歸城已破同義者憤激死民皆亡散淵招徠糾集保全餘民邑人德之有拒寇紀事詩見藝文

黃雲坊都人本籍撫州膽畧過人軀幹雄偉兩臂能挽弓百斤輕捷騰躍渡水如飛元至正間紅巾寇起應舒慶遠胡斗元募慷慨赴敵每戰賊輒辟易嘗用木牛破陣禽殺賊

靖安縣志

卷之十

人物

五十六

數十人奪其鎗馬以歸木牛者雲造以自衛勝於戈矛雲以此連破賊營惜其製不傳後以眾寡不敵沒於陣

案元末紅巾之難義勇以黃雲爲首稱同時死者有監縣渤海縣尹黃紹皆卓卓可傳然海與紹猶曰死於其職雲則編氓耳慷慨就死不尤難乎舊志未載雲事使其生平不著與木牛之製不傳惜哉昔韓昌黎見李翰張巡傳遺許遠及雷萬春事因作傳以補之今於黃雲諸人亦爲撮其大概以垂諸後俾有所考焉

案雲本臨川人臨川志亦載然竟以爲其縣事殊誤

明



陳離字文明天順歲貢授嶽池訓導陞湯溪教諭敷教有條  
士類翕服既請老歸清貧自守不改其樂宏治間流賊犯  
邑人皆奔突竄伏離獨正衣冠從容以大義責之賊愧謝  
而去

舒廷英字菊坡耿介剛毅人有非義輒面斥之正德庚午華  
林賊突至其家庭英率衆禦之被執賊叱之跪罵曰死賊  
我何人而跪爾賊怒繫之里州均殺之顏色自若

黃廷輝坊都人甯波節推黃鉉之曾孫與姪黃宗祥素驍勇  
正德己巳賊犯縣治典史呂操幾戕於賊廷輝奮力救援  
殺一賊宗祥亦連斃二賊尋皆爲賊所害知縣蕭瑞憫其

# 靖安縣志

## 卷之十

人物

五十七

毅勇嘉賚之

漆維縉棠棣人正德庚午與其祖隱雲俱被執賊將刃其祖  
厲聲曰死賊何不殺我而釋我祖遂被殺聞者傷之

漆應昌應時兄弟棠棣人崇禎癸未土寇作亂兄弟奮勇禽  
賊俱戰死

國朝

舒以愈字退公坊都人沈心嗜古口呐於言爲人若不勝衣  
督學侯公峒曾拔冠童子軍期以遠到以愈絕意功名慨  
然以山林爲樂篤志詩文有八愁詩爲明季諸文士所傳  
誦順治戊子鄧寇陷城族人皆避去以愈諭賊以義辭不

少遜卒受害

趙樂二熊仙人順治戊子鄧寇攻陷縣城蔓延及于鄉樂二統鄉勇數百禦賊於長坪手搏殺賊數十人陷于陣爲賊所獲死義甚烈賊衆駭退

附陣亡戰士

梅桂益田人駐防戰兵余文斌東江人舒瑞坊都人談學定廂都人俱駐防守兵嘉慶元年調赴湖北勦捕教匪隨官兵禦賊隨州官灘雞籠山俱戰沒於陣奉

恩旨優卹並入祀郡城昭忠祠

舒兆科忠夏人李華上安人俱駐防守兵嘉慶六年調赴湖

## 靖安縣志

卷之十

人物

五十一

北勦捕教匪兆科戰沒於興山縣石虎頭華戰沒於房縣上杭村俱奉

恩旨優卹並入祀郡城昭忠祠

曾獻謨字圖南號星垣少恪恭庭除肄舉業遊副舉雷揆華門卽以大器期之質性沉靜舉止端凝出應童試有聲入邑庠先是邑修文廟考棚會以好義樂捐沐邑侯佛詳請例授議敘八品愧謝未遑曰捐輸分耳何藉名爲以故童試不輟必步入黌宮慰父師望酬讀書志始終不逾儒素如此自是家塾課讀族姓子弟多賴啟迪陶成元配葉逝世次三子纔近成立四五六尚幼穉中年失偶力可再娶

竟義守不娶以一身操持內外慈愛與義方並至恒出有餘時緩急通有無宗族師友戚誼賴以矜全者不勝述咸豐三年賊竄擾九江奉諭舉辦團練塘埠紳富士民會商辦團必先籌餉遂首義倡捐錢穀募義諸君亦無不慷慨樂捐辦理有賞得以次第舉行公爲團首贊力並出羣情鼓舞屢著戰功以軍功保舉卽選儒學訓導五年臘初西賊大股由瑞奉竄居靖城塘埠嚴守各隘拒守四十餘晝夜備歷危險內撫團勇外慮寇氛鉅細必親心力俱碎三十日平明賊糾建安瑞奉分路環攻謨先命幼子川合團勇往堵亭子均正當賊衝對敵陣亡旋命長次兩子督率

### 靖安縣志

#### 卷之十

人物

五十九

救應已遂星往北路催勇至中途遇賊兩子衝圍趕救不及父子二人遂同時遇害事定後奏請從優議卹贈銜

賜卹世襲罔替祀本邑忠義孝弟祠外並勅建專祠

羅鳳喈字太玄號棲梧讀書明大義補博士弟子員性剛直具幹才族黨頗多調協并諳武畧咸豐三年塘埠紳耆奉諭團練公舉襄團務兼督勇數年不辭勞瘁疊著戰功已獎軍功六品五年賊踞靖城塘埠團勇嚴守隘口賊勾瑞奉安建匪黨三面環攻喈督勇堵禦南路亭子均力竭陣亡事聞褒加忠義贈卹武德騎尉襲雲騎尉給予恩騎尉

世襲罔替

陳夢松字立猷號竹隣富一人賦質穎異讀書日誦千言年  
念四補博士弟子員旋食餼遇族黨鄉邑公舉義件輒任  
恐後秉公持平協輿情而剛方正直之概綱常名教之任  
鄉先輩咸屬望焉咸豐三年西逆犯省土匪竊發塘埠奉  
諭團練夢松親履戎不避危險數年督勇叠著戰功沐獎  
軍功六品嘗言逆賊未除此責難謝五年冬季賊竄縣城  
夢松督率團勇進勦衝陷被擒簇擁松見賊挺立不跪威  
脅不屈誘降不從怒目眦視頓足罵賊曰我讀聖賢書豈  
肯降賊賊怒割其舌流血濺地猶噴血痛罵不輟昏絕殞  
首賊亦駭異標其名於首其時有脅降不從懸吊竟夕氣

靖安縣志

卷之七

人物

六十

息奄奄但求一死之文童各包六條松仲兄議敘八品靜  
溪之子有鑿戰竟日對敵陣亡之文童伯坊係松兄文童  
肇初之子有同處陣亡軍功九品之義勇伯垣係松幼弟  
本貞之子至殉難全節之曾氏攜一子一女同伏水溺死  
又卽脅從不屈文童包六之妻忠義節烈出於一門詩書  
留澤義方遺訓於斯並著他如同祖服內親姪伯慤伯慤  
伯懋重姪仲景皆以文童勦賊授命成仁於是日陳氏一  
門何忠義疊著吁盛矣

黃鵠翱字炳中號梅村少性情剛直負浩然氣渾齋與諸先  
輩講論綱常名教梅村津津不舍及長事詩書深明大義

鄉里義舉無不身任道光三十年捐貲賑濟水災奉  
旨議叙從九咸豐三年西逆竄擾江省各處盜賊蜂起塘準  
奉諭團練梅村挺然首倡辦團一切局務調度井井咸豐  
五年冬賊由間道陷城公與胞兄本善長子時滙奮力格  
殺奈眾寡懸殊卒被衝入村庄梅村與本善同時陣亡嗣  
蒙大吏奏卹授武德騎尉贈鹽運司知事子孫承襲雲騎  
尉給予恩騎尉世襲罔替又令入祀本邑忠義孝弟祠附  
祀郡城昭忠祠併飭建專祠奉祀

周世瑞字聘廷號靜軒忠夏人於咸豐十一年四月內賊竄  
縣境奉派帶團堵勦禦賊打仗力竭陣亡以從九職銜奏

## 靖安縣志

### 卷之十

人物

六十一

淮部咨議給雲騎尉世職襲次完時給恩騎尉世襲罔替  
附祀忠義祠

劉德仁字立誠追里人於咸豐十一年四月內賊竄縣境奉  
派帶團堵勦禦賊打仗力竭陣亡以從九職銜奉淮部咨  
議給雲騎尉世職襲次完時給恩騎尉世襲罔替附祀忠  
義祠

涂宗孟號步嶧東江人幼聰過人讀書之暇喜閱兵書咸豐  
甲寅投筆從戎隸羅澤南中丞幕下襄辦文案以克復武  
昌功議叙從九職銜後投吳方伯坤修營中辦理糧臺以  
克復崇陽等處功保舉縣丞分發湖北是時吳軍駐扎虎

穴逆匪盡竄西江奉靖屬縣相繼陷於賊中宗孟稟請大兵由間道隨同克復奉靖兩縣設法籌餉頗著勤勞事平以功得保舉知縣仍分發湖北並賞戴藍翎旋同吳帥進勦瑞郡以克復功 欽加同知銜未幾得疾歸家閱數月而卒時年僅二十有八倘天假之以年其功業正未有艾也惜哉

胡廷輝字庭有夏陂人邑庠生性好讀書明大義不喜酬應終日孜孜手不釋卷咸豐辛酉賊竄靖安公猶靜坐 室中聞賊至家始歸路遇賊欲擄之公不從罵賊不絕口遂殺之事聞旌卹如律入祀省垣忠義祠

### 靖安縣志

#### 卷之十

人物

六十二

咸豐六年塘埠陣亡督勇紳士及團勇義民開後

欽加國子監學錄銜候選訓導八品銜生員

曾獻謨

欽加鹽知事銜從九品

黃鵠翱

生 陳夢松

員 羅鳳喈

以上四名俱照例賜卹賜葬并給雲騎尉世職

兼分別加贈職銜

曾小山

曾捷三

以上二名俱軍功八品

楊本義

陳伯垣

韓芳秀

周明祖

羅福德

以上五名俱軍功九品

陳伯愨

曾懷孔

陳包六

陳煥新

陳仲景

陳伯坊

陳伯懋

曾臣魁

陳肇初

以上九名俱文童

羅朝綱

以上一名武童

靖安縣志

卷之十

人物

六十三

羅允健

王道全

曾利祥

張宗質

謝志秀

何萬松

曾翔萬

羅允喜

凌通行

曾利盛

鍾子紅

楊道忠

林有德

曾厚美

羅福朝

黃逢春

曾利川

朱亮達

曾茂芹

羅福英

王道遠

高冀齡

袁世富

杜天章

韓光秀

鍾子述

羅允湖

高冀秋

楊道昌

謝茂達

鄔坤珫

黃時昌

陳立明

羅福千

曾定九

羅允昌

黃本善

吳祚發

王積功

賴長連

劉清茂

羅福涵

舒允騰

林有常

曾振高

黃秀連

黃時美

羅允秀

曾臣進

凌方玉

周天富

林士德

袁世于

邱福全

曾臣源

黃華通

曾金山

杜志順

賴九高

曾臣喜

羅允行

李高明

曾臣松

李厚昆

胡際懷

王元才

楊照彬

藍榮陞

曾宏林

杜本乾

王可發

黃德玉

曾宏信

王卓修

曾宗德

楊福宗

韓成秀

鄭吉方

雷日興

黃域超

靖安縣志

卷之十

人物

六十四

曾月明

鍾振光

吳祚泰

鍾開玉

王積瑞

雷本華

高賢考

熊子松

袁榮惠

王元秀

劉良遠

杜志標

劉維光

黃時遠

杜志全

曾宏佳

鄔振來

杜志發

高賢霞

凌方炳

楊義寬

曾宏謨

袁和信

舒恭彩

官明德

鍾開金

韓聯發

李騰其

林士喜

蕭選發

楊義成

高賢煙

凌運恭

羅允芳

黃華貴

鍾子和

楊又興

冷富項

林青山

林成通



凌方元

藍榮才

鍾文品

曾處洪

楊道全

羅吉占

黃斌超

杜維蘭

陳慈興

萬迭波

李厚彬

曾天佑

陳宣賓

羅克儀

黃拔超

萬冀楠

羅克陞

胡運泮

曾厚喜

曾利元

鄒發盛

曾振玉

曾利德

高賢松

羅九榮

黃俊金

謝茂全

鄭奇星

藍世文

高冀模

王元昌

羅九清

陳翼琮

羅九華

高冀庸

程九瑜

劉清發

鍾子猷

羅九江

杜天亮

靖安縣志

卷之十

人物

六十五

邱福銘

高冀文

羅福豪

吳祿貴

劉訓典

胡華章

黃金超

陳瑞春

官明忠

李高陞

楊道賢

曾利光

曾臣泗

陳慈章

萬迭浪

高冀祖

萬運早

鍾開堂

陳慈才

劉臣萬

韓迭秀

曾茂芳

賴文波

曾世泰

陳仲堂

曾聞禮

張昌順

黃俊玉

鄭尙通

袁榮吉

高賢照

曾宏宗

楊招享

羅來千

王石古

王世芳

萬迭連

曾碧瀾

王道遠

廖以才

官茂榮

葉興國

哨前堡陣亡團勇殉難義民

吳載陽

李雲驤

谷朝象

羅爲貴

李雲驥

張振桃

陳邦福

熊際柳

張崇謨

羅允鳳

田業才

羅茂華

李高梓

黃紹先

謝勝美

張崇典

張崇惠

軍功九品余增瑞

張振瀚

梅和祥

陳遠珊

饒興章

饒發江

饒發旬

余章元

余增江

靖安縣志

卷之十

人物

六十六

張振芹

余增甲

鄧天祿

韓松軒

楊立文

雷悅賢

雷悅智

陳邦發

鍾品魁

梅思林

曾欽元

鄧天士

羅福梓

文童陳占鰲

鄧天興

吳先敏

雷愈華

邛定文

李明珠

馬日輝

田世友

吳興達

刁維興

陳慈炳

楊宏達

蕭日禮

謝志達

廖日輝

陳邦遴

陳家駒

蕭日光

李德和

韓鳴盛

韓守璞

李殿德

李駢謙

李駢水

袁高泰

袁高升

刁連勝

沈青斗

李殿光

羅福餘

羅興紀

軍功九品楊宏連

鄧吉泰

鄧義中

鄧良九

陳慈上

陳慈才

李殿林

羅允獅

羅允林

吳興廷

梅隆壽

李高富

胡宗森

陳壽發

韓富厚

李茂倫

林禮朝

鄧天球

吳先志

余增先

陳遠山

陳務壽

舒恭祿

舒允柏

李殿伯

李慈壽

饒維富

鄧錫會

謝學裕

廖以祥

靖安縣志

卷之十

人物

六十七

魏殿祥

黃昌德

賴獻章

張有成

劉紹金

鍾由升

曾泰順

鍾得勝

李枝倬

李煥祚

涂清

官庄保

顏上盛

何以叨

舒則機

劉榮淦

南村堡

劉燕桂

熊凌瑞

劉訓典

湯士旺

谷吉茂

趙廷泮

余孫盛

礪坑

軍功九品楊登祥

軍功九品朱福興

阮大昌

程祚述

石黃生

林李古

林家昌

楊登恒

陳采欽

陳啟鳳

王得福

林裕發

阮大祿

舒則杞

黃時方

林玉朝

羅茂通

鄭尚廷

湯時恭

陳君才

毛令達

饒有明

胡華隆

賴長連

曾利元

鄭文德

甘興發

陳發茂

黃國壽

林良英

林良遠

林福朝

城南及山河堡陣亡團勇殉難義民

程加元

舒寬福

舒人璉

羅克常

靖安縣志

卷之十

人物

六十八

熊書懷

舒民江

鄔選材

郭家讓

陳思禮

楊本富

羅亨泰

鍾子和

黃明林

劉烈忠

劉烈信

劉烈恕

劉位連

劉位通

劉位達

胡必顯

周興壽

劉洪琳

胡上現

龔耀明

舒恭欽

舒日科

舒家訓

舒茂科

舒茂行

黃英超

鄒廷輝

萬賢仁

羅福信

藤峯

李高彥

遶田堡

朱為茂

龔祚四

龔彩鏡

熊思嚴

姚伯方

姚傳壽

余从士

余光泉

余光智

余文招

余文星

余光早

余昌蔡

余昌懋

涂包玉

龔燦廷

龔祚澹

龔祚澄

龔賀喜

龔祚河

龔祚江

龔瑞機

龔瑞金

龔五盛

龔五華

龔五貴

龔彩達

龔祚金

龔彩連

龔彩汪

龔五連

趙大院

余家真

徐紹意

徐經五

徐良生

靖安縣志

卷之十

人物

六十九

詹祖朝

詹慶保

程維芳

陳宗旭

陳守初

張善教

張善喜

張善才

張善良

張善華

張善坎

張善吉

趙德成

趙德茂

余光侃

余昌笏

余昌均

熊思熺

熊思煥

熊思獻

熊安吉

熊安金

熊安貴

姚伯祿

姚伯安

姚五楊

姚禮修

姚禮儀

姚任生

趙日渠

趙日足

咸豐十年各都陣亡紳勇及殉難義民

監生涂世昌

武生胡耀東

武生李昌英

武生吳世勳

生員胡廷輝

生員黃選青

生員張映川

軍功八品李組成

軍功九品漆夢祥

從九職銜胡意棠

從九職銜胡意廣

從九職銜胡允策

從九職銜錢維煥

從九職銜舒采澄

九品職銜劉德仁

九品職銜舒寬轍

九品職銜周世瑞

以上十七名准予分別賜卹賜葬除生監不計外例給

靖安縣志

卷之十

人物

世職

陣亡義勇

涂包滿

胡彰鳴

謝應瑯

胡青

涂光作

胡承銘

涂祿湧

余運桐

徐振高

徐振利

徐居祥

涂祿林

涂光玉

涂光恆

蕭必勝

余之坤

涂光松

涂包揚

涂光義

涂懋綱

涂懋紀

涂祚行

涂懋作

涂光斗

涂光明

涂光潤

蕭行尙

涂符本

涂祚生

徐長生

徐居善

趙子銘

胡祥金

胡承葵

胡祥楫

胡承壽

胡意洗

胡承太

胡祥遠

胡模柱

胡顯桃

胡祥彬

胡顯耀

胡祥榮

胡承有

胡意邦

胡意武

胡意清

胡祥定

胡承寬

胡祥欽

胡際傳

胡美平

胡意龍

胡際榮

胡承廷

胡允墀

胡意財

胡意洪

胡彰遠

胡美華

胡承興

胡承廣

胡承瑞

胡意長

胡彰鶴

胡美嵩

胡彰獻

胡美吉

胡允發

胡際錦

胡承慶

靖安縣志

卷之十

人物

七十一

胡承楷

胡承恩

余紹義

舒懋江

熊求貴

熊承煉

熊求章

熊承江

余紹堂

余紹各

鄒立柳

余開禮

舒象照

舒凌漢

舒凌溪

舒允修

雷本祿

萬亮發

舒星官

萬亮鉉

萬亮禧

舒穎波

萬二生

張家源

舒一桃

舒宗柳

舒宗林

舒宗瑜

舒寬淦

舒恭洛

劉炳照

舒克權

舒寬銓

王百春

王惠焯

李政連

李善奉

李昌名

李善仁

李善河

李善桃

李昌波

李昌瑞

李昌海

李昌炳

李昌立

李昌松

李必棟

李政泰

李善能

李政栢

陳紹元

陳宜紡

陳宜恭

雷紹修

雷承壽

雷本歡

雷本銘

雷本玉

劉勝江

劉章貴

劉勝湖

張愈庸

胡祥禮

涂光勝

涂光賢

涂祚松

涂光文

涂祚雙

徐開榜

徐居梗

徐振森

徐居吉

項顯廷

張振洪

袁先高

余文治

廖日林

胡斌信

胡祥周

靖安縣志

卷之十

人物

七十二

胡承富

張先清

張先行

張先甲

張先連

張先煜

張愈迎

張振玉

張振彩

張振楷

張愈祐

張先錦

况必明

張聲茂

涂符達

涂符信

張振祁

涂符道

涂包到

徐本壽

徐貞禮

徐振亨

徐承謙

袁先壽

程步星

程維仁

趙曰敬

趙合山

趙孚義

趙廷貞

吳定榮

吳吉義

熊緒爵

張官卿

熊廷杰

熊承果

熊茂立

熊茂清

熊茂選

熊緒望



張家福

張官全

余盈森

余盈柏

吳維昇

吳先楷

任金文

丁世寶

趙令信

趙令豪

劉繼周

劉昭煜

劉昭祥

劉先早

劉克殮

趙令第

劉國洪

徐紹琴

徐木生

劉克連

劉克仁

劉先崇

劉金祖

劉旺祖

劉繼平

趙孚文

趙孚燿

劉國鳳

徐曰義

黃紹其

黃第欽

劉學春

劉煥希

劉學星

余昌茂

余久森

余昌珊

余光作

劉成杰

劉國拔

靖安縣志

卷之十

人物

七十三

劉裕偉

趙伯楠

趙詩俊

趙令杰

趙孚恂

胡升玉

龔瑞忠

龔采鳳

龔采翹

龔采興

龔五保

龔采羅

龔毛三

姚五亮

杜良德

杜仁坤

杜仁濱

徐曰樣

徐紹珊

趙廷發

喻廉爽

喻廉訓

喻廉燧

喻定珩

喻定熾

喻廉敬

余有斌

余運變

余有傳

余運還

余自悅

余黃悅

余黃旭

余運裕

余有愛

舒恭梅

舒恭相

舒一杰

熊望泰

漆元喜

黎裕本

漆忠朗

舒恭選

王先榮

李意興

曹廷安

梁而榮

黃尊泳

涂祿科

邱啟中

邱龍標

黃之謨

舒日笏

舒日科

程星池

劉才章

郭燦萬

郭燦毓

賴榮蘭

黃恒春

黃之浩

唐雲霆

唐占廷

王選友

王選權

王邦才

王克國

王邦泰

王克祥

王克棟

王克榮

王選桐

熊承渭

熊懋漢

李高欽

張邦廷

張允科

韓世軒

熊緒泰

熊先紹

靖安縣志

卷之十

人物

七十四

熊承福

熊承填

洪紹才

雷承喜

李人誠

余家瑞

晏開炳

張學焜

黃芳元

熊令恭

熊令賓

洪亮辛

熊望介

熊望珍

潛泰明

潛泰衡

潛方立

陳家炯

陳家億

陳家勳

陳開綬

陳采昌

陳采慎

陳采桂

陳光錦

陳光灼

陳光念

陳光材

陳希拱

陳啟麟

熊濟升

熊濟選

王正坎

陳家烽

陳有才

陳有實

涂紹燧

涂宗福

涂緒芳

鄧國珍

鄧國鳳

余廷福

余火泮

萬光泗

余教生

張學海

張正恩

熊承恒

熊世洪

張官清

張家義

甘方生

陳采富

徐春林

皮心祿

項至寬

鄭崇興

任光堂

舒寬華

舒恭愉

黃方喜

項中仁

項中科

項玉旺

徐熾文

項中義

項中生

項玉寬

項久連

劉定榮

廖才和

梁榮文

梁祥仕

梁榮星

賴宏榮

馬世楊

廖松得

項顯湖

鄔石保

舒允富

靖安縣志

卷之十

人物

七十五

項至傳

黃權周

丁光蒲

徐耀發

莫錢保

莫鄔保

舒三保

項玉鳳

張春芳

張振愛

王月保

陳思渭

王衡周

劉映祥

舒懋春

舒懋俊

黃明光

余芳

舒殷用

余家瑞

甘拔賢

余光望

周漆信

羅試

余光連

舒寬景

余世瑞

李世光

徐義菊

楊必楷

舒恭詢

侯禮安

應廷洪

趙百森

雷家喜

胡承祚

胡彰信

蔡共祖

張治金

張治息

周鼎棠

熊求恆

陳曰庠

舒允勝

舒允智

張本洪

程家彩

程維倫

舒克明

舒克柏

趙宗聖

舒穎祥

陳龍池

戴招杏

一淮靖安汎移報管兵陣亡

武生

戰兵

徐裕泰

舒一恆

守兵

舒希清

胡得勝

舒定國

舒信良

靖安縣志

卷之十

人物

七十六

